

4 1975
ANTICOTON
OV

REFVTATION DE LA
LETTRE DECLARATOIRE

DV PERE COTON.

Liure où est prouué que les Iesuites
sont coupables & auteurs du
parricide execrable commis en la
personne du Roy tres-Chrestien
HENRI IV. d'heureuse me-
moire.

M. DC. X.

THE NEWBERRY
LIBRARY

Case
F
MOTOTMA
326
1610p

ADVERTISSEMENT
au Lecteur.

LE Lecteur ne s'estonnera point si
l'Authcur ne se nōme pas: Cela doit
estre imputé au temps, auquel il est mal-
aisé de dire la verité, sans se faire des
ennemis. Toutefois s'il se trouue person-
ne qui puisse respondre de point en point
à ce Livre (ce que i'estime impossible tant
la verité y est euidente) l'Authcur pro-
met d'escrire derechef sur le mesme suiet,
& dire son nom: Car il a, & assez de cou-
rage, & assez de credit pour se mainte-
nir contre la malueillance des ennemis,
& perturbateurs du repos public.

A LA ROYNE.

MADAME,

D'autant que l'opinion commune, tant de vos sujets que des estrangers, est que les Iesuites sont auteurs de ce damnable parricide, qui en frappant au cœur nostre bon Roy defunct (que Dieu absolue) a frappé la France à la gorge, & que là dessus ces Peres se plaignent qu'on leur fait tort, & que leurs ennemis sement ces bruits pour les rendre odieux: l'ay pensé estre necessaire de représenter à vostre Majesté ies causes de ce diffame, à fin que si elles se trouuent bien fondées, elle use si elle peut approcher ces Peres de la personne du Roy avec seureté de sa vie, & sans tenir toujours ses sujets en alarme, & en défiance continue. Car, si comme remarque le Pere Coten au commencement de son Epistre Declaratoire, il estoit defendu de faire bouillir le Cheureau au lait de sa mere, à plus forte raison sera-il illicite de mettre le fils entre les mains taintes du sang de son Pere. Je ne veux point estre creu sans preuues euidentes: & ne suis point porté de passion contre leurs personnes: Car ie n'aurois rien à dire contr'eux, si à l'exemple des autres bons Religieux ils se contentoient d'enseigner le peuple, & vaquer à la conduite de l'Eglise. Aussi, ce que ie dis, Madame, n'est pas suggeré par les Heretiques: mais c'est la voix de vos Parlements, de la plusspart de vostre Clergé, mesme de la sa-

crée faculté de Theologie : cest la clameur vniuer-
 selle de tout vostre peuple. Tous lesquels eussent
 volontiers aprius l'art d'oubliance du Pere d'Au-
 bigny, & se fussent contentés de gemir sans mot
 dire, n'estoit que nous voyons le meurtre des Roys
 deuenir vne coustume : & que si vostre Majesté
 n'y remédie, la trahison sera bien tost contée entre
 les vertus Chrestiennes, & estimée le plus court
 chemin au Royaume des Cieux. Que si vostre Ma-
 jesté veut interrompre ses occupations plus im-
 portantes pour courir ce liure, elle recognostrera
 qu'en ce point la voix du peuple est la voix de
 Dieu, lequel vueille faire florir les Lis sur la
 teste du Roy vostre fils, & vous combler de tou-
 te prosperité.

Le tres-humble, & tres-obeis-
 sant sujet de vostre
 Majesté.

P. D. C.

5

*Que la doctrine des Jesuites approu-
ue le parricide des Roys, & la
rebellion des sujets.*

CHAPITRE PREMIER.

POVR ostter toute difficulté, & esclai-
cir ce different, il est necessaire de re-
prendre la chose dès sa source. Les histoi-
res de France tesmoignent qu'en l'an 1407.
Louys Duc d'Orleans frere du Roy Char-
les VI. le 22. de Nouenbre fut tué sur le
soir par des gens atiltrez par Jean Duc de
Bourgongne, lequel disputoit la regence
auec le susdit Duc d'Orleans. Ledit Duc de
Bourgongne ne pouuant déguiser le faict,
osa bien en plain Conseil en presence de
tous les Princes du Sang & des Officiers
de la Couronne: Soustenir qu'il auoit fait
iustement: & fut la cause defenduë par
Jean Petit Docteur en Theologie, Nor-
mand de nation, lequel par les loix diuines
& humaines, & par le droict tant Canon
que Ciuil soustint qu'il estoit loisible à tout
hōme de tuer vn Tyran par quelque voye
que ce fust. Et fut la cause demenée en sor-
te, demy par force, demy par persuation
que nulle iustice n'en fut faite.

Alors viuoit Jean Gerson Chancelier de
l'Vniuersité de Paris, homme scauant selon

*L'oraison de
Gerson au Con-
cile de Con-
stance, se void
au premier
Tome des œu-
ures de Gerson.*

le temps, lequel s'opposoit à ladite propo-
sition de Iean Petit.

Peu apres, à sçauoir en l'an 1416. vn Con-
cile general s'estant assemblée à Constance,
le souldit Gerson y alla en qualité d'Ambas-
sadeur pour le Roy Charles V I. ayant en-
tre ses memoires & instructions charge ex-
presse de faire iuger ceste proposition par le
Concile. Là les deux parties ouyes, le Con-
cile en la session xv. condamna la propo-
sition de Iean Petit, qui commence par *Qui-
libet Tyrannus &c.* definissant que ce n'est
point à vn sujet d'entreprendre sur la vie d'un
Prince sous ombre qu'il est Tyran.

Cet erreur ayant esté enteuelly par l'au-
thorité du Concile a esté remis sus par les
Peres Iesuites: mais sous vne autre couleur,
à sçauoir sous ombre de religion, & quand
il eust iugé estre necessaire de tuer vn Roy
pour la defense de l'Eglise. Pour cet effect
ils ont publié plusieurs escrits, esquels ils
permettent à vn sujet de tuer son Roy
quand il abuse de sa puissance.

Pierre Ribadenera Iesuite Espagnol a cō-
posé vn liure de la Religion & des vertus
d'un Prince, où il approuue ceste doctrine.

Au premier liure chap. 15. Il parle ainsi
du parricide de Iacques Clement: D'au-
tant que la resolution que Henry III. prit fut
vn conseil de Politique & Machiaueliste, &
non conforme à la loy de nostre seigneur: Voila
pourquoy par vn iuste iugement de Dieu, le mes-
me Roy Henry fut mis à mort par la main d'un

*Celiure a esté
de nouveau
traduit en
François par
Anthoine
Balinghem Ie-
suite, & Im-
primé à Douay
chez Iean Boga-
rt 1610.*

paure simple & ieune Religieux, & mourut
d'un coup de cousteau qu'il luy tira &c.

Là mesme pour appuyer lon dire, il pro-
duit vn fragment d'un liure François, qui
appelle la Royné d'Escoffe Martyre, puis
adiouste. Et neantmoins si deuous nous conside-
rer en sa vie vne chose remarquable à ce propos,
& qui a grande apparence d'estre cause d'une si
miserable fin. C'est qu'estant en son Royaume d'Es-
coss^e elle a tolleré l'hiresie contre le conseil des gens
de bien, & notamment de son Docteur & predi-
cateur, lequel deslors pour ceste occasion la quitta
& abandonna, & s'en reuint en France, & n'a
voulu permettre qu'on mit à mort le bastard
Stuard, homme factieux & chef des heretiques, en
la mort duquel sembloit estre la ruyne des hereti-
ques du pays. Ce Iesuite approuue les assas-
sinats des Princes sans forme de Iustice.

Carolus Scribanus Iesuite Flamend qui
par vn renuersement de lettres s'appelle
Clarus Bonarsius a fait vn liure intitulé *Am-*
phiteatrum honoris auquel il soustient ceste
doctrine meurtriere au chap. 12 du 1. li-
ure, où il dit: s'il aduient que les Denis ou vn
Machanidas, ou vn Aristotimus, monstres des
siecles oppriment la France, le Pape ne pourra-
il assurement encourager contre luy quelque
Dion, ou quelque Timoleon, ou Philopæmen?
c'est à dire des dechasseurs & tueurs de
Tyrans? & peu apres, parlant d'un Tyran
degaissant la France: Nul ne prendra-il les ar-
mes contre ceste beste? nul Pontife ne pourra-il ti-
rer ce nostre Royaume de dessous la coignée. Or no-

Dionysij Ma-
chanidas, Ar-
stotimus se-
culorum por-
tenta, Galliani
opprimat, ne-
mo Pontifex
Dionem, Ti-
moleonem,
Philopoemen-
nem Helema-
tum securus
animabit.

Nullus in
hanc bellua

miles erit?
nullus Ponti-
fex nobilissi-
mum regnum
securi eximat.

Cur denique
Hericus Gar-
netus vir do-
ctus omnis
generis & vi-
tæ sanctitate
incomparabi-
lis ultimo
supplicio af-
fectus est, nisi
quod a reuelare
noluit quod
salua con-
scientia reue-
lare non po-
tuit?

L. 13 ff de off
praef. l. 1 ff de
Receptat.

L. quisquis §
Id quod Cod
Ad leg. Iul.
Maieft.

8
fés que là il ne parle point d'un usurpateur
mais d'un Roy qui abuse de sa puissance.

Bellarmin en son second liure contre le
Roy d'Angleterre cōdamne la trahison &
conspiration contre son Prince : mais en
paroles ambiguës & captieuses. Car en ef-
fet il les approuue & y exhorte vn chacun :
car il loue le Iesuite Garnet de ce qu'ayant
sçeu par les confessions la conspiration
contre le Roy d'Angleterre, il ne l'a point
voulu reueler. J'ailegueray les propres
mots *Pourquoy Henry Garnet hōme incōparable*
en toute sorte de doctrine, & en sainteté de vie, a il

esté puny du dernier suplice: sinon pour ce qu'il n'a
pas voulu reueler ce qu'il n'a peu reueler en bōne
conscience? Voicy donc la doctrine des Iesui-
tes, à sçauoir que si quelqu'un a reuelé à vn
Iesuite son intention de tuer le Roy, il doit
tenir cela caché & laisser plustost tuer le
Roy & renuerser son Royaume, que de re-
ueler le secret de la confession. Opinion
que la Sorbonne ne tient pas; Cela estant
du droit diuin d'estre fidelle à son Prince
& du droit des gens de tenir les receleurs
autant coupables que les larrons, & en
cas de crime de leze Majesté punir égale-
ment les entrepreneurs, & ceux qui l'ayās
sçeu ne l'ont pas voulu reueler.

Le mesme Iesuite Bellarmin, & tous les
Iesuites auec luy tiennēt que le Pape peut
oster les Royaumes, & les donner à qui il
luy plaist, & inciter les sujets à se reuolter
contre leur Prince, les deliant du serment

de fidelité. Les mots de Bellarmin sont tels au 6. chap. du 5. liure du Pontife. *Le Pape peut changer les Royaumes, les arracher à l'un & donner à l'autre, comme Souuerain Prince spirituel.* Et le Iesuite Gretzer, au liure intitulé la *Chauesours hareticopolitique* pag. 159. Nous ne sommes point si craintifs & si tremblans, que nous craignons d'affirmer ouuertement que le Pontife Romain peut, si la nécessité le requiert, delier les suiets Catholiques du serment de fidelité, si le Prince les traite Tyranniquement, mesmes il a iouste que si le Pape fait cela prudemment & avec circonspection c'est vn œuvre meritoire. Considerés la nouuelle espece de merite, d'elimouoir la sedition & commander la desloyauté, de laquelle s'ensuit necessairement l'attenta à la vie du Prince, car en ceste rebellion il est à presumer que le Prince, se defendra par armes, & opposera violence à violence, ce qui ne se peut faire sans le peril de sa vie.

Tolet 1. au liure de l'instruction des prestres ch. 13. *Les subiets ne sont point tenus de garder serment de fidelité à vn excommunié.* La mesme. *Vn excommunié ne peut exercer aucun acte de iurisdiction.* Par ceste regle le Roy Henry III. n'estoit plus Roy, & celuy qui l'atue, n'a pas tué vn Roy * Mariana Iesuite Espagnol a composé vn liure de *Rege & Regis institutione* Imprimé premierement à Toledo chez Pierre Roderigo l'an 1599. & pour la secøde fois à Mayence chez Balthasar Lippius l'an 1605 Au 6. chap. de ce liure apres auoir loué Iac.

Papa potest mutare regna & vni auferre atq; alieri cōferre, tāquā sumus Princeps spiritualis.

* Vespertilio hareticopoliticus Tam timidi & trepidi non sumus vt afferere palam vereamur Romanum Pontificē posse si necessitas exigat subditos Catholicos solvere iuramento fidelitatis, si Princeps tyrannicē illos tractet &c. Excommunicato subditi non tenentur iuramento fidelitatis. Excommunicatus nō potest iurisdictioni actū exercere.

Cognito à

Theologis
quos erat
Iciscitatus
Tyrannum
Iure interi-
mi posse.

*Suo la, qui-
ne patriæ
communis
& gentis li-
bertatem
redemptam
interictus &
vulnera im-
pese lataba-
tur scilicet
caso rege
ingens fidi-
nomen te-
citæ de ca-
des expiata
ac manibus
Guise ducis
perfide pe-
remptre-
gio langu-
ne eit par-
tatum.

*S. sacra pa-
træ pectus
det publi-
cosq; hostes
in patriam
attrahat qui
votis publi-
cis stantes
eum permi-
re tentant
haudqua-
quam cum
iniq; fecisse
exultabo.

10

ques Clement, Il dit, *Qu'il auoit apri des Theo-
logiens, lesquels il auoit consulté qu'on peut iustement
tuer vn Tyran.* Et là dessus décriuant comme
ce ieune moine auoit donné le coup de cou-
steau. Il s'escrie, *Insignem animi confidentiam! fa-
cinus memorabile! ô excellente assurance, ô fait
memorable.* Et peu apres* *Parmy les coups & les
playes qu'il receuoit, il estoit neantmoins plain de ioye
d'auoir racheté avec son sang la liberté de sa patrie
& de sa nation.* Ayant tué le Roy il s'est acquis
*Une fort grande reputation & vn meurtre a esté
expié par vn autre, & par le sang Royal a esté fai-
te l'expiation de la mort du Duc de Guise perfide-
ment tué.* Ainsi mourut ce Clement aagé de 24.
ans, ieune homme, de naturel debonnaire n'estant
point robuste de corps, mais *Une force superieure luy
fortifioit les forces & le courage.* Ainsi parle ce
Iesuite. Et au mesme chapitre parlant du
Roy legitime, & qui n'est point vsurpateur,
& auquel on a iuré fidelité, il dit. * *S'il per-
uertit la religion du pays, ou s'il attire dans le pays
les ennemis publics, celui qui pour fauoriser aux
Vœux publics taschera de le tuer, le n'estime-
ray point qu'il face iniustement.* Il passe plus
auant au chapitre suivant, auquel il trouue
bon qu'on empoisonne vn Tyran, toute fois
remarqués la naïfueté, & combien ces gens
gardent loigneusement les cas de conscien-
ce: Car de peur qu'en empoisonnant la vian-
de ou le bruuage du Tyran on ne le face
estre meurtrier de soy-mesme, Mariana y
apporte ce remede. *le Voudrou (dit-il) en ceste
doute Vser de ce temperament de ne contraindre*

point celuy qu'on fait mourir d'aualler luy mesme le poison, lequel receu dans les moielles le face perir: mais que quelque autre mette le poison sans que celuy qu'on veut faire mourir y ayde aucune-ment: Ce qui se fait quand le poison est si violent que la chaire ou l'habit en estant atteint le puisse faire mourir: Qui est l'artifice dont ie trouue que les Roys Mores ont souuent vsé. Telle est la pieté de ce Iesuite, en laquelle il nous fait disciples des Mores.

Ce liure de Mariana est louié par Gretzerus Iesuite, en son liure intitulé, *la Chaulue-souris*, sus allegué, pag. 160. où il dit qu'on calomnie Mariana d'auoir dit qu'il faut tuer tout Prince qui desobeit au Pape. Veu qu'il dit seulement qu'un Prince legitime qui desobeit au Pape ne peut estre tué par un particulier, si ce n'est que iugement en ait esté prononcé, ou que ce soit la voix du peuple, & qu'on ayt le consentement de quelques gens doctes: Or notez que par la sentence iudiciale il entend la deposition faite par le Pape, par l'approbation des Doctes, & par le cōseil des Iesuites, & quant au poison mis en l'habit ou sur la chaire, le Iesuite Gretzer en la pag. 162. approuue simplement le dire de Mariana, & se plaint de ce qu'on accuse Mariana d'auoir dit qu'il faut empoisonner un Tyran, veu qu'il dit au contraire qu'un Tyran ne peut estre legitimement tué par poison, si le Tyran mesme le prend & se l'applique soy mesme, comme il aduient quand on empoisonne sa viande ou son breuuage. Ainsi en excu-

Hoc tamen
temperamē-
to vt in hac
quidem dis-
putatione
licebit, si nō
ipse qui pe-
rimitur ve-
nenū hauri-
re cogitur
quoniam in
medullis
cōcepto pe-
reat sed ex-
terius ab a-
lio adhibea-
tur nihil ad-
iuuante eo
qui peri-
mendus est
natura
cōm tātā
est veneni
vt sella co-
aut veste
delibuta
vim interfi-
ciendi ha-
beat
Ne Tyran-
num quidem
primū vel se-
cundi gene-
ris etiam
post ludi-
ciariam cō-
tra illum la-
tam senten-
tiam.

iuueno licet tolli, si
 Tyrannus ipsemet venenum illud
 sumere & si bi applicare
 debeat. *Quid? Mariana gra-
 uem & decoram constructionē
 sonantis verba, splendorem nar-
 ratiue, sublimitatē
 copiosum ingenium
 in non impari materia quæ ætas
 non reueretur?*
 Quippe approbatos prius à viris
 doctis & gravibus ex
 eodem nostro ordine.

fant Mariana il dit cependant la mesme
 chose.
 Clarus Bonarscius au liure de l'Amphitheatre cha. 13. louë * ce Mariana, & pour le stile & pour la maniere. Et veut que tous âges le reuerent. *Quoy?* (dit il) quelle aage ne reuerera la graue & docte construction de Mariana, ses paroles sonances, la splendeur & sublimité de sa narration, son esprit abondant, avec vne matiere également loüable?
 Et à fin qu'on sçache que, ce n'est point l'opiniō de peu de Iesuites, au frōt du liure de Mariana il y a vne approbatiō & permission d'imprimer du general de l'ordre Aquauiaua, & de Stephanus Hoyeda, visitateur de la societé de Iesus en la prouince de Toléde.
 Qui plus est en la mesme permission d'imprimer, il y a qu'auant ladite permission concedee, ces liures de Mariana ont esté approuuez par des hommes doctes & graues, de l'ordre des Iesuites; dont s'ensuit que quand mesme le general Aquauiaua auroit esté surpris, (cōme le pere Coton nous veut faire accroire, forgeant des lettres de cet Aquauiaua à sa poste) si est-ce que le visitateur & les Docteurs Iesuites qui ont examiné le liure auant l'impression, ne peuuent auoir esté surpris.

Que veut on d'auantage? quelques quatre mois auant le parricide lexeçrable commis en la persōne de nostre bon Roy, le mesme acte consistorial par lequel l'arrest contre Iean Chastel & l'histoire de Monsieur le President de Thou ont esté censurées à Ro-

me, a aussi suspendu & comme mis en suspension vn autre liure de Mariana qui traite des monnoyes : sans toucher à ce liure qui approuue le meurtre de Roys. Enquoy i'estime que sa Saincteté occupée à d'autres affaires a esté surprise par l'artifice des Iesuites qui regnent à Rome : car sans cela elle eust plustost censuré le liure de Mariana qui enseigne le meurtre & paricide.

Ce liure de Mariana ayant esté premierement imprimé à Tolède fut apporté en France il y a huit ans & présenté au Roy, & les clauses seditieuses de ce liure représentées à sa Majesté, laquelle ayant appelé le pere Coron luy demanda s'il approuuoit ceste doctrine. Mais ledit Iesuite qui plie aux occasions & sçait s'accommoder au temps, dit qu'il ne l'approuuoit pas. Suiuant laquelle réponse sa Majesté par le conseil de Monsieur Seruin son aduocat General commanda à Coron d'escrire à l'encontre, mais il s'en excusa, sçachant bien qu'il ne pouuoit escrire à l'encontre, sans s'opposer au General de l'ordre, & au Prouincial de Tolède, & à vn corps de Iesuites qui auoient approuué ce liure. Et maintenant qu'il void que par la mort du Roy les Iesuites sont chargez d'une haine vniuerselle, & qu'il se void pressé par la Cour de Parlement, & par la Sorbone, il a escrit vne Epistre Declaratoire, où il condamne voirement Mariana: mais en termes si doux, & si douteux, qu'on void bien qu'il a peur de l'offencer, disant

seulement que c'est *une legereté d'une plume* efforée, au lieu d'accuser la personne d'Heretic, & de trahison, perfide, & barbare, & la doctrine d'impieté, & inimitié contre Dieu & les hommes. Et quand mesme il reprendroit Mariana, comme il faut, si est-ce que c'est (comme dit l'Abbé du Bois) apres la mort le Medecin Et falloit auoir escrit lors que le Roy le luy commanda, & ne laisser point enraciner ceste opinion dans l'esprit du peuple, laquelle luy a costé la vie peu d'annees apres : Mais venons à d'autres exemples.

Il y a encore deux mille tesmoins dans Paris, qui certifieroient que Jacques Clement hantoit ordinairement les Iesuites, & que quelques vns d'entr'eux l'accompagnerent iusques hors des tranchées, quand il sortit de Paris pour faire son coup. Et trois mois apres fut publié à Paris vne harangue du Pape Sixte, prononcée en plein Concistoire l'onzième de Septembre 1589. En laquelle est accōparé l'assassinat de Jacques Clemēt aux mysteres de l'Incarnation & Resurrection, & aux exploicts d'Eleazar & de Iudith. Et apres auoir exaggeré les crimes du Roy occis; Il adjouste, *Propter hac & similia manifesta impenitentia iudicia decriuimus pro ipso non esse celebrandas exequias, &c.* C'est à dire : Pour tels & semblables signes euidens d'impenitence, nous auons ordonné qu'on ne face pour luy aucunes obseques. Puis conclud par vne priere à Dieu, à ce que, *quod misericorditer*

hoc modo cœpit benignè prosequatur, il vucille
poursuiure benignement ce qu'il a ainsi commencé
misericordieusement. Et est ceste harangue
 imprimée à Paris chez Nicolas Niuelle &
 Rollin Thierry, Imprimeur de la sanicte
 Vnion, avec l'approbation de trois Do-
 cteurs, *Boucher, Decreil, Ancelm.* Non que ie
 vueille croire que iamais paroles si impies
 ayent esté dites par le S. Pere; ains sans
 doute c'est vne pure imposture: & ne faut
 point douter, que tant les Iesuites, que
 quelques autres Docteurs & Religieux qui
 estoient alors consentans avec les Iesuites,
 ont forgé ceste piece pour rendre ce meur-
 tre louable, & inciter quelque autre à tuer
 le Roy successeur du defunct. * C'estoit le
 mesme tēps auquel Iean Guignard Prestre
 Iesuite demeurant à Paris au College de
 Clermont escriuoit vn traicté en la louange
 de Iacques Clement, & des exhortations à
 tuer le feu Roy. Ce qui a paru depuis, &
 trop manifestement au procez qui a esté
 fait audit Guignard. Et voicy cōmēt Dieu le
 permit. Comme Messieurs de la Cour tra-
 uailloient au procez de Ian Chastel; aucuns
 d'iceux deputez pour ce faire, s'estans trans-
 portez au College de Clermont se saisirent
 de plusieurs papiers, entre lesquels fut trou-
 ué vn liure escrit de la main dudit Guignard
 Iesuite, contenans plusieurs propositions
 & moyens pour prouuer qu'il auoit esté
 loisible de tuer le Roy, avec plusieurs in-
 ductions pour faire aussi tuer son succes-

seur. En voicy quelques vnes extraictes du dit liure qui se trouue encores au greffe de la Cour. *Quele Neron cruel a esté tué par vn Clement, & le Moine simulé depeesché par la main d'vn Vray Moine.*

Que l'acte herôique fait par Iacques Clement, comme vn don du S. Esprit, appelé de ce nom par nos Theologiens, a esté iustement loüé par le feu Prieur des Iacobins Bourgoin Confesseur & Martyr, par plusieurs raisons, tant à Paris lors qu'il enseignoit sa Iudith, que deuant ce beau Parlement de Tours.

Que le Bearnois, ores que conuertý à la foy Catholique seroit traité plus doucement qu'il ne meritoit si on luy donnoit la couronne Monachale: Que si on ne le peut déposer sans guerre, qu'on guerroye: Si on ne peut faire la guerre, qu'on le face mourir.

La Cour ayant veu ces escrits, Guignard autheur mandé & interrogé sur iceux, à luy representez, a recognéu les auoir composez & escrits de sa main. Et pource la Cour par Arrest executé le 7. de Ianuier 1595. a déclaré ledit Guignard Iesuite atteint & conuaincu du crime de leze Majesté, l'a condané à faire amende honorable, nud en chemise, la corde au col, detiant la principale porte de l'Eglise de Paris, puis estre pendu & estranglé en Greue, & son corps brulé.

Le lecteur s'enquerra, si luy plaist, si se trouua iamais Iesuite qui ait condamné ce Guignard de trahison & perfidie. Au cōtraire Richeome en son Apologie l'excuse, tant

qu'il peut ; disant que Guignard traittoit les
suscrites propositions , comme par forme de
dispute en Theologie . Et en cela nous som-
mes d'accord : car aussi, ie dy, que *tuër le Roy*,
a tousiours esté vne des resolutions de la
Theologie des Iesuites. Si quelque Iesuite,
demy par force, demy par honte , le condam-
ne, c'est pour n'auoir pas esté assez discret, ou
pour auoir mal pris son temps, ou pour quel-
que semblable raison.

Ce qu'on peut recognoistre, en ce que les
Iesuites ont mis ce Guignard au Catalogue
de leurs Martyrs , qu'ils ont faict imprimer à
Rome , en deux formes , en l'yne desquelles
Guignard y est, en l'autre il n'y est point , afin
qu'il y eust des copies qu'on peust vendre en
France sans danger. * Aussi le Iesuite Bonar- * Paragraphe.
scius au 8. chap. de son Amphiteatre, exalte
iusqu'au ciel, ce Guignard , quoy que sans le
nommer, de pœur d'offenser nostre Roy, tou-
tesfois assez clairement pour le discerner en
ces mots : *Te tairay-je ô estoille luisante au ciel &*
en terre, & derniere expiation de la maison, qui a-
pres cela ne deuoit plus rien souffrir? Nul iour n'es-
facera les traces de ta mort : Puis adiousté,
Toute la France se ioindra à mes vœux : Cela
ne peut conuenir qu'à Guignard qui e-
stoit Iesuite François , & qui est le dernier
Iesuite qui a souffert supplice en Fran-
ce.

De mesme boutique, en mesme temps est
sorty vn liure detestable , intitulé , *De iusta*
Henrici tertij abdicatione : De la iuste degra-

Tacebo ego te
clarum coelo
terraq; fidus,
& vltimum
nil amplius
dolituræ do-
mus innocuū
pia mentum.
Nullus tui sā-
guinis vesti-
gia dies exte-
ret totaque in
hæc vota mea
ibit Gallia.

dition de Henry III. Liure dont on ne sçait l'Authent, sinon qu'il a esté imprimé à Lyon, ayant au front la marque des Iesuites.

Quod nõ ob-
stante decreto
supradicti
Concilij Con-
statiensis Pri-
uatis & singu-
lis licitum sit
Reges, &
Principes hæ-
reseos & Ty-
rannidis con-
demnatos oc-
cidere.

Franciscus Verona Constantinus, a escrit vne Apologie pour Iean Chastel, qui surpassie encores le liure de Mariana en abomination, ou au 2. chap. de la 2. partie, il afferme que nonobstant le decret du Concile de Constance, il est loisible à chasque particulier de tuer les Rois & les Princes condamnex d'heresie & de Tyrannie.

Or on void par l'exemple de nos deux derniers Rois, qu'on fait accroire aux Princes qu'on veut tuer qu'ils sont Heretiques, ou fauteurs d'Heretiques, souz ombre qu'ils ne veulent mette eux-mesmes le feu en leur Royaume, & y allumer la guerre ciuile pour gratifier l'Espagne, ou quand ils prestent secours à leurs voisins, de peur qu'ils ne soyent empietez par la maison d'Austriche: Ainsi fait le Cyclope dans Homere, qui n'ayant aucune raison de méfaire à Vlysses & à ses compagnons, & les voulant manger leur faiët à croire qu'ils sont Pyrates.

En la mesme Apologie est approuué le paricide de Iacques Clement, comme fait, *Contra hostem publicum & iuridicè condemnatum, contre vn ennemy public & iuridiquement condamné.*

Vulnerando
Henricū Bor-
bonium, non
voluerit læde-
re aut occide-
re Regē, etiāsi

Là mesme au chap. 3. Il defend l'acte de Iean Chastel, & dict, *qu'en blessant Henry de Bourbon, son intention n'a pas esté de tuer le Roy, encores qu'il se dist estre Roy, veu qu'il n'auoit rien que l'apparence de Roy, & qu'il*

estoit du sang Royal: Adiouste, *Que Henry de se talem dice-*
Bourbon ne pouuoit estre appellé Roy, mesme depuis bat, & inquo
sa réduction à l'Eglise Catholique. *præter imagi-*

Emanuel Sa Iesuite, en ses Aphorismes des *nem nihil Re-*
 Confessions, au mot *Clericus*, dict que *la rebel-* *gij quā quod*
lion d'un Clerc contre le Roy, n'est point crime de le- *genere Regio*
ze Maiefté, d'autant qu'il n'est point suiet du Roy. *ortus erat.*
 Bellarmin de mesme, au 28. chap. de *Clericis*. *Le* *Clerici rebel-*
souuerain Pontife a exempté les Clercs de la suiet- *lio in Regem,*
tion des Princes: Les Rois ne sont plus les superieurs *non est crimē*
des Clercs: Considérez la malice: On demande *læzæ Maiefta-*
s'il est permis à vn suiet de tuer son Roy, ou se *tis, quia nō est*
rebellier contre luy, sous ombre qu'il est Ty- *subditus Regi.*
ran. Sur ceste demande, les Iesuites craignans *Sūmus Ponti-*
de parler trop rudement, & se rendre odieux, *fex clericos e-*
en disant qu'un Clerc peut tuer un Roy, di- *exemit à subie-*
sent seulement que les Clers ne sont point *ctione Principi-*
suiets des Princes, & de là tirent tout douce- *pum. Nō sunt*
ment ceste conclusion, que donc ils ne peu- *amplius Re-*
uent estre estimez coupables de crime de le- *ges, clericorū*
ze Majesté, puis que celuy contre lequel ils *superiores.*
conspirent n'est point leur Maistre ny leur
Superieur.

Henry Garnet Iesuite, avec Halle son com-
 pagnon, autrement appellé Oldecorne, ont
 esté executez en Angleterre, pour auoir tré-
 pé en la trahison des rebelles, qui auoient fait
 vne mine de poudre à canon, sous la maison
 ou se tenoient les estats, afin de faire voler en
 l'air le Roy & toute sa famille, & tous les de-
 putez des Prouinces là assemblez. Garnet
 donc ayant esté pris sur la deposition d'un

des complices, nie constamment, & avec serments, auoir rien sceu de la conspiration: Mais les Iuges voyants qu'ils ne gaignoient rien par menaces, s'auisent d'une ruse: Ils mettent un autre Iesuite nommé Halle pareillement coupable dans le cachot prochain de Garnet, & instruisent le Geolier de consoler & faire tous bons offices à Garnet, & l'aduertir que son compagnon Halle estoit au prochain cachot, & qu'il y auoit un pertuis entre les deux cachots, par lequel ils pourroyent communiquer ensemble: Ce qu'ils faisoient tous les iours: mais le Geolier auoit mis quelques uns en un endroit par lequel ils entendoient leurs deuis secrets, & descouuroient entr'eux, ce qu'ils auoient nié aux Iuges. Sur cela l'appellé deuant les Iuges, & se voyant descouuert, confesse voirement auoir sceu l'entreprise: mais qu'elle luy auoit esté reuelée en confession, laquelle il ne deuoit reueler. Luy furent aussi confrontez des tescmoins qui deposoient qu'en un Sermon qu'il auoit fait entre des Catholiques, il les auoit exhorté à prier Dieu, qu'une affaire grande & dangereuse qui estoit acheminée, eust un heureux succès pour l'Eglise Catholique.

Enquis donc pourquoy il auoit si constamment nié ce qui se trouuoit estre vray, respondit qu'estant enquis, s'il auoit rien sceu de la conspiration, il auoit dict voirement qu'il n'en auoit rien sceu, mais qu'il auoit sous-entendu en son esprit ceste restriction,

Je ne l'ay pas sçeu pour vous le dire: Et mesme reconnu qu'il auoit faict publier vn liure d'equiuocations, prescriuant les moyens de tromper les Iuges en parolles, & eluder par ambiguitez toutes leurs interrogations.

Pour ce Venerable Garner, vn Iesuite nommé Iean l'Heureux, mais qui deguise son nom en forme Hieroglyphique, s'appellant *Andreas Eudemoniohannes Cydonius*, a faict tout de nouveau vne Apologie imprimée à Cologne chez Jean Kink, l'an 1610. avec approbation du general Aquauina, & de trois autres Docteurs Iesuites, ou il soustient fort & ferme qu'il est permis de tromper en iustice les Iuges, par equiuocations. Item qu'un Prestre, pour quelque cause que ce soit, y allast-il de la mort du Roy, & de la subuersion de la Republique, ne doit point reueler vne confession.

Sur le premier point, voicy ce qu'il dit en la page 38. *Quand quelqu'un est tiré en cause sous vne iustice iniuste, pource que nul n'est tenu de se deferer soy - mesme au Magistrat, & la loy de nature le monstre apertement, il peut nier ouuertement, & librement sans aucune tergiversation, ce pourquoy il est appelé, pource que tousiours il sous-entend ceste clause, en sorte que ie sois obligé de le dire.* Notez aussi qu'il appellè la Iustice des Rois d'Angleterre, agissante contre les Iesuites Anglois, vne Iurisdiction iniuste, comme s'ils n'estoient point obligez à comparoistre deuant.

L'approbation est au commencement du liure.

Martinus Nauarrus Aspilcueta Espagnol

Cum quis nullis iustis iudicijs in ius vocatur quia nemo tenetur seipsum Magistratui prode-
re. idque lex naturæ satis docet, aperte & libere sine vlla tergiversatione negare potest id cuius gratia accersit-

eur, quia sem-
per clausula
illa intelligi-
tur vt teneat
dicere. nauar-
rus in decr. C.
humanæ aures
22. quæst. 3. p.
348. Frāciscus
interrogatus à
lectoribus ho-
mīcidam per-
sequētibus, ad
illacvbi S. Frā-
ciscuserat talis
homicida trā-
fisse : immisissis manibus intra manicas, respondit hac non transu-
sisset : sub intelligendo tacitè contra communem intelligentiam
non transuissse per illas manicas.

Le mesme André Eudemonioiōhannes Cy-
Quando iuri-
dicè non pro-
cedit, vel quia
accusatus ei
non est subie-
ctus simplici-
ter, vel in hoc
casu, aut qua-
cumq; alia de
causa, tunc li-
cet mēdacium
sit illi citum,
non tamen est
mortale, quia
nec contra de-
bitum iustitiæ,
donius, en la page 40. s'appuye de l'authori-
té de Syluester, en la 5. accusation, question
13. où il dict, *Quand le Iuge ne procede pas iuridi-
quement, soit pource que l'accusé ne luy est pas sim-
plement suiet, ou en ce cas, ou pour quelque autre
cause; alors encores que le mensonge soit illicite, tou-
tesfois ce n'est point vn peché mortel: pource qu'il
n'est point contre ce qu'on doit à la Iustice, ny en
vray iugement, mais qui est vsurpé: Voire le men-
songe ne sera pas mesme peché veniel, si en respon-
dant cauteleusement, & comme l'on dict, sophi-
stiquement, Il dict quelque chose qui est faux, selon
le sens du Iuge, mais qui est vray selon le sien: pour-
ce que en ce cas, veu qu'il n'est pas son suiet, il*

n'est pas obligé de dire la Verité à son intention, Faut entendre que par ce iugement qui n'est pas vray iugement, ains vsurpé sur ceux qui ne sont pas ses sujets il entend le iugement des Magistrats ciuils sur les Clercs & principalement sur les Iesuites qui ne sont pas mesme sujets aux Euesques.

Le Iesuite Tolet au 4. liure de l'instruction des Prestres chap. 21. *Si le crime* (dit il) *est occulte sur lequel quelqu'un est interrogé, alors il pourra vser d'equiuocation, respondant, Je ne le sçay pas, mais sous-entendant en son esprit pour vous le dire. Ou en respondant, Je ne l'ay point fait, mais entendant en soy-mesme* MAINTENANT.

Les Anciens Arriens ont fraye ce chemin aux Iesuites. Car Nicephore au 8. liure de son histoire chap. 51. dict, qu'Arrius ayant souscrit de sa main à la confession de foy du Concile de Nice auoit vne autre confession contraire cachee en son sein qu'il auoit luy-mesme escrite. Et qu'il iura à l'Empereur qu'il croyoit comme il auoit escrit: mais il entendoit parler de l'escrit qu'il auoit au sein.

Par ceste doctrine vn hōme pourra renier sa religion, & la foy en Dieu, disāt à vn Iuge qui l'interroge, *Je ne croy point en Iesus-Christ: mais sous-entendant en soy-mesme. Pour vous le dire.* Et S. Pierre reniant Iesus-Christ deuant vne chambriere pouuoit s'excuser par vne telle subtilité, disant, *Non ie ne le cognois point.* Puis tout bas; *pour te le dire.*

Par ceste finesse les Iesuites ont trouué

nec est in iudicio vero, sed in usurpato. Immo non erit etiam veniale si respondendo cautelose & ut aiunt sophisticè dicat aliquid falsum apud sēsū iudicis & apud suū verum. Si crimen omnino occultū est de quo quis interrogatur, tum æquiuocatione uti poterit, respondendo nescio, intelligēdo tamen intra se ut dicam tibi vel respondendo non feci intelligendo intra se nunc non feci.

moyen d'asseurer ceux qu'ils incitent à entreprendre contre la vie des Rois, ou leur donner vn moyen de ne reueler iamais leurs complices: car ils leurs disent, *Vous vous sauuerẽz par telles & telles equiuocations & nierẽz en auoir rien sceu, ny rien veu: mais vous sous-entendrez quelque condition ou correction tacite en vostre esprit qui vous exemptera de mensonge, par ce moyen vous n'offencerez point vos consciences.* C'est ce qui rend les parricides des Rois si resoluẽs à nier & se pariurer en Iustice, pour ce qu'ils sont instruits qu'en ce faisant moyẽnant qu'ils sous-entẽdent quelque chose en leur esprit, ils n'offensent point Dieu.

Dont aussi s'ensuit qu'on ne peut asseoir aucun ferme iugement sur la protestation que fait le Pere Cottõ de desauouer Mariana. Car qui sçait s'il n'a point quelque retention cachée, ou qui sçait s'il dit, *Je condamne le liure de Mariana*, mais en sous-entendant, *Pour-ce qu'il n'en a pas assez dit?* Ou plustost ainsi. *Vn particulier ne peut legitiment attenter à la vie d'un Roy.* Puis tout bas. *Que le Pape approuue, ou qui n'est pas excommunié, ou qui est vrayement Roy.* Mais tel & tel n'est pas vrayement Roy, puis qu'il fait cecy & cela &c. Bref comme es contracts on faisoit autrefois renoncer les femmes au Senatus-consulte Velleian, & à l'autentique *si qua mulier*, ainsi falloit-il que le Pere Cotton s'il vouloit estre creu en ceste declaration, renonçast premierement au priuilege de mentir, & vñer

vsfer d'equiuocation , & encores craindrois-
ie qu'en ceste mesme renonciation , il n'em-
ployast , quelque pareille souplesse & ambi-
guité.

L'autre point soustenu par ce Iean l'Heu-
reux Iesuite , est que Henry Garnet Iesuite,
& ses compagnons ayants appris la conspira-
tion contre la vie de leur Roy , & de toute sa
maison , ne deuoient aucunement la reueler,
ains la tenir cachée. Voicy ce qu'il en dict en
la page 262. de son Apologie : *Adionstés le*
scandale des Catholiques , si Vn Prestre , & ice-
luy Iesuite estant enquis sur Vn cas de conscien-
ce , & ce en y interposant l'action religieuse de
la confession () qui est la plus sacrée qui soit en-
tre les Catholiques) eust deferé ceux qui luy
demandent conseil : Car à qui s'adresseroient-
ils desormais en leurs doutes , ou à qui se pour-
roient - ils fier , si mesme és Prestres ils ne trou-
uoient point de fidellité ? Et en la page 290.
Vne chose seellée du tres . saint cachet de la
Confession , ne pouuoit estre descouuerte sans Vn
horrible sacrilege . Et tout le 13. chap. est em-
ployé à celà , où il en reuiet là , que Nullum
tantum potest esse malum cuius vitandi causa
confessionem prodere liceat . Il n'y peut auoir
de mal si grand que pour l'eniter il faille reue-
ler la confession. Le Iesuite Suares dit le mes-
me au traicté de la penitence , Voir mesme
(dit-il) quand il y iroit du salut de la Republ.en-
tiere.

Tout de fraisché memoire , & depuis la
mort du Roy , le Pere Fronton Iesuite , quoy

Adde Catho-
licorū scanda-
lum , & offen-
sionem si sa-
cerdos idēque
Iesuita con-
scientiæ causa
consultus idq;
interposita cō-
fessionis reli-
gione qua nul-
la maior inter
Catholicos es-
se potest , con-
sulto res suos
detulisset ? quē
enim in postē-
rum in rebus
suīs dubijs a-
dire , aut cui
amplius fidere
possint , si ne in
sacerdotibus
quidem fidem
inueniant ?
Rem sacro sã-

At confessio-
nis arcano ob-
signatam sine
inimici sacri-
legio prodit non
potuisse.

Suarius de
pœnitent. dis-
put. 33. sect. 1.
num. 2. in nul-

lo casu & pro-
ster nullum fi-
nem etiā pro
tota tuenda
Republica ab
ingenti malo
temporali &
spirituali vio-
liare illud li-
ceat. Andreas
Endam. pag.
335.

que moins seditieux que les autres, accompa-
gné d'un autre Iesuite, vindrent n'agueres en
la Bibliotheque du Roy, qui est aux Corde-
liers, & y trouuerent Monsieur Casaubon
quia la garde de la Bibliotheque, avec lequel
estans tombez sur ce propos, Fronton luy
soustint fort & ferme qu'il vaudroit mieux
que tous les Rois fussent tuez, que de reueler
vne confession.

Quoy donc, vn fils laissera il plustost tuer
son pere que de luy reueler qu'il a appris en
Confession qu'un tel, ou tel l'espie pour le
tuer? Ou vn Iesuite laissera-il tuer son Roy,
& remplir de sang tout son pays, plustost que
de reueler vne Confession? Mais on dira, vn
Confesseur doit estre fidele enuers ceux qui
viennent a luy à confesse, cela est vray: Mais
aussi ie dis, qu'il doit estre encores plus fidele
enuers Dieu, & enuers son Roy, auquel Dieu
veult que nous obeissions, & auquel nous
auons presté serment de fidelité. Que si nous
recherchons les liures sacrez de la diuine pa-
role, nous trouuerons bien quantité de pas-
sages qui commandent la fidelité & obeis-
sance enuers les Rois; mais nous n'en trou-
uerons point qui te commandent le silence
apres la confession: C'est vn commandement
de l'Eglise qu'il faut obseruer: mais en sorte
qu'il ne preiudicie point au commandement
de Dieu; & se donner de garde d'estre trai-
stre, afin d'estre taciturne, & par vn silence
perfide estre cause de la mort de son Pere ou
de son Roy: Comme si ie disois, voilà vn

homme qui s'en va mettre le feu dans la maison de mon frere, ou de mon voisin, pour brusler sa femme & ses enfans, mais ie le laisseray faire, pource que i'ay promis de n'en parler à personne. Au contraire, il faut croire qu'en telles obligations la preuarication est louable, voire mesmes agreable à Dieu: car celuy qui pouuant empescher vn mal, souffre qu'il se face, en est réputé coupable: Et pour ceste raison, Homere tout au commencement de son Illiade, dict que la cholere d'Achilles contre Agamemnon auoit tué beaucoup de vaillâs hommes, & auoit donné leur corps en proye aux chiens: pource qu'il ne l'auoit pas empesché: Et de là vient que par les loix Romaines telle partièce est punie de mesme peine que celuy qui a cōmis l'acte. Ce qui a lieu non seulement en crimes cōmuns, mais particulièrement, & principalement és crimes de leze Majesté, comme enseignent les Iuriscōsultes: Et afin que quelque Marianiste ne puisse dire que les Auteurs de telles Loies estoient Payés: Sur ce sujet les Papes ont tousiours cy-deuant tenu la mesme Iurisprudence, avec tous les Canonistes, qui adioustent pour raison, qu'il y a grande apparence de societé occulte entre le delinquât; & celuy qui le pouuant empescher le souffre.

Ce Iesuite donc, & le Cardina Bellarmin ont tort de iustifier Garnet & Oldecorne Iesuites, comme s'ils auoyent bien fait. Considéré mesmes qu'outre les choses susdites, lesdicts Iesuites pouuoient bien sans accuser

Homer. il.

εὐνοίας ἰσχυροῦς

ψυχῆς αἰδῶς

αἰδῶς.

l. i. §. occisorū cum seqq. ff. ad S. C. Syllania.

L 9. par. i. ff. ad leg. Cornel. de fals. l. i. Cod. de falsa mon l. quisquis. Cod. ad. leg. Iul. Maieft.

Idem in cap. quantz. de sect. t. excommu. cap. delicto. de sentet.

excommunic.

In 6. Cano. nō inferenda. 23.

quast. 3.

personne, ou par quelque mot d'escriit faire aduertir le Roy qu'il prist garde à sa personne, & fist fouiller sous sa maison, & par ce moyen la conspiration eust esté descouuë sans reueler la confession.

La source & l'origine de tout le mal vient du vœu que font les Iesuites, par lequel ils promettent d'obeir à leurs Supérieurs, c'est à dire, aux Generaux de leur ordre, qui par nécessité doiuent estre suiets du Roy d'Espagne, & à leurs autres Supérieurs, d'une obeissance simple & absolue, & sans aucune exception, ny mesme sans s'enquerir pourquoy: Ce qu'ils appellent obeissance, non seulement de *Volonté*, mais aussi de *iugement*, & une *obedience auueugle*. Il y a vn petit liure intitulé, *Regula societatis Iesu*, qu'eux mesme ont fait imprimer à Lyon, l'an 1607. chez Iacques Roussin: à la fin duquel ils ont mis vne longue Epistre d'Ignace Loyola, soldat Espagnol, Patron & Auteur de la secte: En laquelle ledit Ignace en la page 254. donne ces reiglemens à sa société; *Superioris Vo-*

Statuatis vobiscū ipsi quicquid superior præcipit ipsius Dei præceptū esse atque vt ad credenda quæ Catholica fides proponit toto animo affectuque

cem ac Iussa non secus ac Christi Vocem excipite: Receuez la parole & les commandemens de vostre Supérieur, non autrement que la Voix de Christ. Et peu après: Tenez-en vous mesmes, que tout ce que le Supérieur vous commande est le commandement de Dieu mesme. Et tout ainsi que pour croire les choses que la foy Catholique propose, vous y estes incontinent portez de tout vostre cœur & consentement, ainsi pour faire toutes les choses que vostre su-

perieur commande , Il faut que vous y soye^z vestro statim portez d'une certaine aveugle impetuosité de incombitis, Sic Volonté desireuse d'obeyr sans vous enquerir ad ea facienda pourquoy? Et afin que quelqu'un ne trouue quæcūque superior dixerit vn eschapatoire sur ce mot de (quodam) cer- cæco quodam taine impetuosité , en la mesme epistre, il y a impetu volū- d'autres lieux ou ce mot est omis. Comme tatis parendi quand il dit , perit celebris illa obedientia cæca cupidæ sine simplicitas. &c. Car d'autant que les choses vlla prorsus que les superieurs commandent pourroient disquisitione quelquefois sembler iniustes & absurdes, ce feramini. Sainct non canonisé commande aux Iesuites de captiuer leur iugement & ne s'ingerer en l'examen des commandemēs des superieurs: à l'exemple (dit-il) d'Abraham , qui voulut sacrifier son fils , Dieu l'ayant commandé. Et de Iean l'Abbé qui arrosa vn an entier vne buchette de bois sec sans profit , & qui se mit tout seul à pousser vne grosse pierre que plusieurs hommes ensemble n'eussent peu remuer , non qu'il estimast ces choses vtilles ou possibles, mais pource que son superieur luy auoit commandé.

Ceste regle en reuiert là, que si les chefs de l'ordre des Iesuites , desquels le General est tousiours suiet du Roy d'Espagne commandent à quelque ieune Iesuite François quelque chose que ce soit , il doit l'executer sans auoir esgard si c'est chose dangereuse, ou difficile , ou preiudiciable à l'estat. Maxime laquelle posée fait que la vie de nos Rois n'est assurée qu'autant que les chefs de l'ordre des Iesuites ne commanderont

point à leurs disciples ou sectateurs d'entreprendre dessus. Car cela leur estant commandé il leur est defendu des'enquerir si la chose est iuste. Le commandement qu'on leur en fera sera fondé sur le bien de l'Eglise, sur la satisfaction pour quelques pechés énormes, sur l'esperance d'estre couronné du Martyre, & auoir au ciel quelque dignité par dessus le commun.

Ce mesme vœu est cause que les Iesuites sont exempts de l'obeyssance des Euesques: car il eust esté impossible d'obeyr à leurs superieurs Iesuites en toutes choses si les Euesques eussent eu le pouuoir de corriger ou empêcher ce que les superieurs des Iesuites auroient commandé.

Quelqu'un peut-estre me dira, ces choses sont voirement assez claires, & voilà des raisons assez pour asseoir son iugement & recognoistre la creance des Iesuites. Mais d'où vient donc qu'en quelques endroits ils condamnent les meurtres des Rois & soustiennent qu'un sujet ne doit attenter à la vie de son Roy, encores qu'il soit vicieux & abuse de son pouuoir? Je respons que la croyance voirement de quelques Iesuites est qu'un sujet ne doit se rebeller contre son Roy, quoy que heretique ou Tyran, deuant que la sentence de deposition soit prononcée par le Pape, ou par les doctes, entre lesquels ils s'estiment les premiers, & que par declaration expresse les sujets soient dispensés du serment de fidelité: comme enseigne

bien au long le Iesuite Andreas Eudamono-
 ioannes au 3. chap. de son Apologie de Hen-
 ry Garnet. Mais aussi ils tiennent tous que
 depuis ceste sentence de deposition, laquelle
 se fait par la suggestion de ces Peres, vn tel
 Roy n'est plus Roy, & qu'un autre doit em-
 pieter la place, & que les sujets ne luy doiuent
 rendre aucune obeyssance: Cela est monstré
 bien au long par le mesme Iesuite au mesme
 chap. & auons monstré cy-dessus que c'est
 la doctrine de Bellarmin, & de Gretzer Ie-
 suites. Et toute la France l'a senty par expé-
 rience à son grand mal-heur. Or ie dis que
 quiconque soustient que le Pape peut don-
 ner & oster les Royaumes à qu'il luy plaist,
 & exempter les François du serment de fi-
 delité, dit par consequence necessaire que
 les François doiuent tuer leur Roy. Car on
 sçait bien qu'un Roy auquel on voudra arra-
 cher son Royaume, prendra les armes pour
 maintenir son droit: & taschera de ranger
 ses suiets qui se sont armez contre luy. Or
 en ceste guerre & parmy tant de sujets ar-
 mez contre luy, il est impossible que le Prin-
 ce ne coure danger de sa vie, puis-qu'en se de-
 fendant il est resolu de ne perdre son Royau-
 me qu'avec sa vie. Ce sont subtilitez Iesuiti-
 ques dont ils endorment les hommes. Ils
 protestent de n'approuuer point les meur-
 triers des Rois: mais aussi ils ne recognois-
 sent pour Rois que ceux qu'il leur plaist: &
 tiennent que tuer vn Roy qu'ils haïssent,
 n'est pas tuer vn Roy, mais vn homme qui

n'en a que le masque & l'apparence.

Romanus Pō-
tifex Zacha-
rias scilicet
Regem Fran-
corum non tā
pro suis ini-
quitatibus quā
pro eo quod
tantā potestati
erat inuitus, à
regno depo-
suit, &c.

Voicy encores vn autre mal, par lequel ils sont conuaincus d'estre ennemis de la couronne de nos Rois : Car les François n'ont jamais voulu recognoistre que la couronne du Royaume de France dépendist du S. Siege, ny que le Pape peust donner & oster la couronne de France, à qui il luy plairoit : Et n'a iamais approuué le Canon *Alius*, qui est en la cause 15. du Decret, en la 6. question, qui est tel ; *Zacharie Pontife Romain a déposé le Roy des François, non tant pour ses iniquitez, que pource qu'il n'estoit pas propre ou capable d'une si grande puissance : & a mis Peppin Pere de Charles Empereur en sa place, & a absous tous les François du serment de fidelité* : Par lequel Canon le Pape s'attribuë de pouuoir oster la couronne à nos Rois, sans auoir esgard s'ils sont Heretiques ou Catholiques : s'ils sont de vie innocente ou vicieuse : mais si seulement il iuge qu'ils soyent incapables, & s'il s'en trouue quelqu'un plus capable de régner. Quiconque tient ceste opinion, tient que nos Rois ne sont que titulaires, & que c'est au Pape de disposer de la couronne selon sa volonté.

Or les Iesuites tiennent que les Papes ne peuuent errer en la doctrine, & maintiennēt iusques à vn point tout ce qu'ils ont enseigné, & par consequent croient que le Pape prononçant ce Decret, a dict la verité.

I'adiousteray encor ce point de la doctrine des Iesuites, qui fera iuger de leur humeur.

Au

Au procez de Garnet Iesuite, entr'autres choses qu'il confesse, il recognoist que Cartesby chef de la conspiration fut touché d'un remors de conscience, pource qu'estant prest de faire iouer la mine, il considera que faisant voler la maison où estoient assemblez les Estats, il feroit avec les Heretiques mourir aussi plusieurs Catholiques innocens. Pour se resoudre là dessus, il s'adresse au Iesuite Garnet, & luy demande, si pour faire mourir les meschans on pouvoit iustement faire mourir quelques gens de bien parmy: Garnet luy respōd qu'il ne falloit point faire de conscience de tuer & les vns & les autres, pourueu qu'il en reuint du bien à l'Eglise Catholique. Peut-on trouuer vne rage plus desesperée, que de celuy qui pour tuer les Rois n'espargne pas mesme ses freres & ses amis? Or celà, ie dis, non point seulement fōdē sur le tesmoignage du procez du Iesuite Garnet: mais sur la confession mesme des Iesuites, qui depuis sa mort ont escrit à sa loüange: Car l'Apologie de Garnet, faite par le Iesuite Iea l'Heureux, sus alleguee, approuuée par le General Aquauina, & par trois docteurs Iesuites, confirme celà mesme, & defend le faict de Garnet en la page 193. Et en la page 265. il confesse que Garnet es prieres publiques, exhortoit le peuple de prier Dieu pour le succez de l'entreprise, qui estoit assignée à l'ouerture des Estats. Et en la page 269. il confesse que le Iesuite Halle estant pris & interrogé, disoit qu'il ne falloit point

Monet om-
nes qui ad
somnia

Ecclesie ex-
tum cōuene-
runt, vt obu-
xē orēt Deū
pro felici
successu gra-
uissimæ eu-
iusdam rei
in causa Ca-
tholicorum
sub initium
comitiorū.

Sacrilege le-
suique.

Neque vero
ob eam tem-
factū proba-
bat sed ama-
bat euerum.

par le mal-heureux succès de l'entreprise io-
ger de la iustice de la cause, En la page 273. il
reconnoist que les rebelles ayans pris les ar-
mes apres l'entreprise descouuerte, le Iesuite
Hamond, au lieu de les induire à déposer les
armes prises contre le Roy, leur dōna à tous
l'absolution. Et en la page 275. il dit que
tous ces traistres, *Erant religiosa admodum con-*
scientia, auoient *une conscience fort religieuse.*
La mesme Apologie en la page 310, tes-
moigne que le Iesuite Garnet en certaines
siennes lettres se resoluant à hazarder sa vie,
dit, *Il est necessaire qu'un homme meure pour tous*
le peuple: Accommodant à la personne les
paroles que Caïphe estant inspiré de Dieu
a prophetizé touchant la redemption du peu-
ple, par la mort de Iesus-Christ. Au proces
du mesme Garnet, il confesse aux Commis-
saires deleguez pour l'interroger, qu'il auoit
offert sacrifices à Dieu, pour empescher ce-
ste machination: toutesfois y adioustant ce-
ste restriction, *si ce n'estoit que l'entreprise fust*
utile à l'Eglise Catholique. Là dessus, l'Apo-
logie susdire l'excuse en ces propres mots,
en la page 320. Garnet n'approuoit pas le fait,
mais il en aymoit l'euement: Comme si ie di-
sois qu'il n'approuoit pas qu'on tuast le
Roy & sa famille, mais qu'il estoit bien ayse
que celà aduint: Ce sont ces subtilitez &
soupleses de paroles, par lesquelles ils di-
sent vne chose, & s'en dedisent en vne mes-
me ligne.

Voilà les faits heroiques, pour lesquels

Garner & Oldecorne Iesuites, executé pour
meisme trahyson, sont appelez Martyrs par
Bellarmin, & par ceste Apologie du Iesuite
PHeureux, approuuée par le general de l'or-
dre Aquauina, & par trois Docteurs Iesui-
tes, lesquels aussi sont inferez au Catalogue
des Martyrs Iesuites, imprimé nouuellement
à Rome, & dont la coppie s'est veüe, & ven-
duë au Palais, en la galerie des prisonniers,
mesmes depuis la mort du Roy.

Là dessus, les Rois & les Princes de la
Chrestienté considereront meutement en
quelle seureté ils peuuent viure desormais,
puis que le peuple est instruit par ces Do-
cteurs à chercher par des assassinats la gloire
du Martyre. Et tous les bons Catholiques se-
ront eimeus d'une iuste douleur, voyans ce
sacré nom de Martyr tant honorable en l'E-
glise, estre auourd'huy donné aux parrici-
des des Rois & traistres de leurs Princes na-
turels.

Je laisse aussi à iuger à quoy tend la distin-
ction de deux sortes de Catholiques que font
ordinairement les Iesuites, appellans les vns
vrais Catholiques, les autres Catholiques
Royaux & Politiques: Car ceux-cy encore
qu'ils s'accordent avec l'Eglise Catholique,
Apostolique, Romaine, en tous les points
de la foy, si ne sont-ils estimez que demy Ca-
tholiques, pource qu'ils ne sont point fa-
ctieux, & n'approuuent point la trahyson,
ny la rebellion: distinction qui sans doute
apportera quelque scisme en l'Eglise, si Dieu

n'y pouruoit par sa bonté.

Ces choses que nous auons produites en ce chapitre, tesmoignent assez que ce n'est point vn erreur de Mariana seulement, mais de tous les Iesuites, lesquels le Pere Coton ne peut iustifier en general sans respondre a toutes les obiections susdittes, tirees de tant d'autres liures, autant ou plus expres pour la tuerie des Rois, que le liure de Mariana.

*Preuve de cela mesme, par les
faicts des Iesuites.*

CHAPITRE II.

NOUS auons suffisamment prouué par les escrits des Iesuites, que leur croyance generale est, qu'il est loysible aux particuliers de tuer les Rois: Montrôs celà mesme par leurs actions, & par les effects horribles d'une si detestable doctrine.

Desià c'est vne grande presumption que ceste secte a introduit ceste melchante doctrine, en ce qu'auant que ceste societé fust introduite, on n'auoit iamais ouy parler d'attenter à la vie des Rois, souz ombre de Religion. Voylà desià deux Rois consecutifs que la France a perdu par ceste damnable persuasion: tellement que si on n'y pouruoit, celà tournera en coustume.

L'experience nous a faict voir en France

combien en vn estat est pernicieuse ceste secte qui venuë d'Espagne, il y a enuiron 50. ans n'a peu encores amollir la dureté de son courage en la douceur de l'air François. chose estrange! puis qu'autrefois les lions & les Ælian. de animalib. lib. 12. cap. 23. tigres amenez au temple d'Adonis en la Perse, n'y estoient pas si tost entrez que leur rage & cruauté naturelle se tournoit en vne mansuetude incroyable.

Que s'il plaisoit à la Royne & à Messieurs les Princes du sang, de s'informer exactement de Messieurs les Presidens & Conseillers de la Cour, ou des Aduocats & Procureurs generaux de sa Majesté, touchant les procedures tenuës contre les Iesuites, ils apprendroient ce qui s'ensuit, que nous auons tiré des Arrests de ladite Cour, & des interrogatoires des criminels, qui sont encores gardez au Greffe d'icelle.

C'est qu'en l'an 1594. le 27. de Decembre Jean Chastel escholier nourry au College des Iesuites, ayant donné au feu Roy vn coup de cousteau dans la bouche, pensant luy donner en l'estomach, fut pris & mis entre les mains du Preuost de l'Hostel, & mené es prisons du For-l'Euesque: où estant interrogé, dit y auoir long-temps qu'il auoit pensé en soy-mesme à faire ce coup, & y ayant failly le feroit encor s'il pouuoit, ayant creu que cela seroit utile à la Religion Catholique, Apostolique, & Romaine. De là mené en la Conciergerie du Palais, fut interrogé par les principaux officiers de la Cour, auxquels il dit entr

autres choses, Qu'ayant opinion d'estre oublié de Dieu, & estant assuré d'estre damné comme l'Antechrist, il vouloit de deux maux euer le pire, & estant damné aymoit mieux que ce fust un Quarior que un Octo. Enquis où il auoit appris ceste Theologie nouvelle, a dit, que c'estoit par la philosophie. Interrogé s'il auoit estudié en Theologie au College des Iesuites, a dit que ouy, & ce souz le Pere Guere, avec lequel il auoit esté deux ans & demy. Enquis s'il auoit pas esté en la chambre des Meditations, où les Iesuites introduisent les plus grands pecheurs, qui voyoient en icelle chambre les pourtraicts de plusieurs diables de diuerses figures espouuentables souz couleur de les reduire en une meilleure vie pour esbranler leurs esprits, & les pousser par telles resolutions à faire quelque grand cas, à dit qu'il auoit esté souuent en ceste chambre des Meditations. Enquis si les propos de tuer le Roy n'estoient pas ordinaires aux Iesuites, a dit leur auoir ouy dire, qu'il estoit loisible de tuer le Roy, & qu'il estoit hors l'Eglise, & ne luy fallut obeyr, ny le tenir pour Roy, iusqu'à ce qu'il fut approuué du Pape.

Pendant lesdites procedures, aucuns de Messieurs de la Cour s'estans transportez au College de Clermont où estoient les Iesuites, se saisirent des papiers de Iean Guignard Iesuite, entre lesquels fut trouué vn liure fait en la loüange de Iacques Clemér, meurtrier de Henry III. & exhortant à faire le mesme à son successeur du quel liure nous auons produit plusieurs clauses au premier chap.

La Cour aiant veu ces escrits, Guignard

auteur mandé & interrogé sur iceux à luy
representez recognut les auoir composez &
escripts de sa main. Et pour ce par Arrest de la
Cour ledit Guignard fut exécuté à mort le 7.
de Iannier 1595.

Par autre Arrest a esté banny à perpetuité
Pierre Gueter Iesuite, precepteur de Iean
Chastel, & tous les biens acquis & confis-
quez au Roy, avec commandement de dres-
ser vne Pyramide deuant la grande porte du
Palais, avec vne inscription contenant les
causes du bannissement des Iesuites, où ils
sont qualifiez heretiques, perturbateurs de
l'estat, & corrupteurs de la ieunesse. Laquelle
Pyramide pendant qu'elle estoit debout, si
quelques-vns ont demandé pourquoy elle
estoit dressée, beaucoup plus de gens demā-
dent auourd'huy pourquoy elle ne l'est
plus.

Vn semblable fait estoit arriué à Melun le
dernier d'Auril 1593. lors que le procez cri-
minel fut fait à Pierre Barriere, lequel pris
par l'aduertissement d'un bon Religieux &
fidele au Roy, confessa qu'il estoit venu ex-
pres en Cour pour tuer le Roy; à quoy il a-
uoit esté poussé par un Iesuite nommé Va-
rade qui déchiroit tous les iours le Roy par
médisance. Par la persuasion duquel Iesuite
iceluy Barriere auroit acheté vn cousteau
pour faire le coup. Dont ayant premierement
demandé Conseil à Aubry Curé de S. André
des arts, à qui il auroit ouuert son intention,
il s'adressa audit Varade Recteur du Collège

ge des Iesuites par le cōsail d'iceluy Aubry. Qu'il fut confirmé par ledit Varade en la resolution de tuer le Roy sur l'assurance que ledit Varade lui donnoit, que s'il estoit pris & on le faisoit mourir, il obtiendrait au ciel la couronne de Martyr. Que ledit Varade l'auoit adiuré en le cōfessant, par le S. Sacrement de la confession, & de la communion du corps de nostre Seigneur, de faire cest acte.

Fut aussi remarqué qu'apres la blesseure du feu Roy comme leus Colleges furent environnez de gardes, quelques Iesuites crioient aux portes des chambres. *surge frater, agitur de religione. Leue roy frere, il y va de la religion.*

Item furent trouuez au College desdits Iesuites plusieurs themes dictez par les regents des Classes, dont l'argumēt estoit vne exhortation à assaillir les Tyrans & à souffrir la mort constamment.

Fut aussi verifié que depuis la réduction de Paris en l'obeissance du Roi, les Maistres du College des Iesuites defendoient aux escoliers de prier Dieu pour le Roi.

D'ailleurs il y a eu informations faictes cōtre Alexandre Hayus Iesuiste Escossois, lequel auoit enseigné publiquement qu'il faloit dissimuler & obeir au Roi pour vntéps par feintise, disant fort souuent ces mots *Iesuita est omnis homo*. Estoit d'auantage ce Iesuiste charge d'auoir dit souuent qu'il desireroit si le Roi passoit deuant leur College
tomber

tomber de la fenestre sur luy pour luy rompre le col. Pour laquelle cause par Arrest de la Cour prononcé le 10. de Ianuier 1595. fut ledit Hayus banny à perpetuité, à luy enjoint de garder son ban à peine d'estre pëdu & estranglé sans autre forme ne figure de procez. ¶ Ont esté aussi souuent conuaincus lesdits Peres d'auoir debauché des enfans pour les emmener en p.ys estrange contre la volonté de leurs peres. Notamment en l'an 1595. le 10. d'Auril, vn nommé Iean le Bel du College de Clermont, fit amede honorable en la grand Chambre, l'Audience tenant, teste & pieds nuds en chemise, ayant en ses mains vne torche ariente de cire du poids de deux liures, & condamné à dire & declarer estant à genoux que temerairement & comme mal aduisé il a voulu seduire & pratiquer François Veron escholier estudiât en l'Vniuersité de Poictiers, pour l'emmener hors du Royaume. En outre qu'indiscretement il a reserué & gardé par deuers luy les leçons & compositions dictées par aucuns de ladite societé, & par luy receues & escriptes de sa main audit College de Clermont, contenant plusieurs damnables instructions d'attenter contre les Rois & l'approbation & loüange du detestable parricide commis en la personne du Roy de tres-heureuse memoire Henry III. Ces choses sont si publiques & si cogneuës que celuy qui y feindroit ou adiousteroit quelque chose ne pourroit elpeter d'estre creu : & celuy

Paragraphe.

qui les nieroit seroit estimé impudent. Ayant tout le corps de la Cour pour tesmoins de la
 Paragraphe. verité de ces choses. & D'auantage il n'y a personne qui n'ait remarqué par experience que les Iesuites n'ont iamais esté qu'ennemis iurez de nos Rois : Car durant ces troubles derniers qui ont aidé transporter la France en Espagne ils s'est trouué beaucoup de Religieux & de tous les ordres qui ont fuiuy le party du Roy. Mais il ne s'est trouué aucun Iesuite pour luy. Iusques à ce qu'ils ayent esté pour leurs crimes chassés du Royaume.

Bref le feu Roy Prince qui n'auoit iamais eu peur en guerre, auoit peur de ces gens en paix. Monsieur le Duc de Sully peut estre telmoin que dissuadant au Roy le rappel des Iesuites, le Roy luy respondit, *Assurez moy donc ma vie.*

Que si nous sortons hors du Royaume de France nous trouuerôs plusieurs exemples semblables. En toutes les conspirations contre feüe Elizabeth Royne d'Angleterre, il s'est tousiours trouué que quelques Iesuites y trempoient : laquelle encotes ils deschièrent d'iniures apres sa mort, irrités de ce qu'elle ne s'est point laissée assassiner. Le Iesuite Bonarscius en son Amphitheatre au 4. chap. du 1. liure l'appelle *Lupam Anglicanam*, la louue Angloise. Et le Iesuite Eudamoniouhannès en la page 113. de son Apologie pour Garnet, l'appelle *Sororis filiam*, par son neptem, frere de sa sœur, nece de son per.

Nouuellement Henry Garnet, Halle sur.

nommé Oldecorne, Hamond, Jean Girard, Grinuelle ont esté trouuez complices de la mine de poudre faicte, souz la maison, ou le Roy avec les Estats du pays se deuoient assembler. Pour lesquels aussi le Iesuite Jean l'Heureux a escrit vne defense, en laquelle il confesse qu'ils ont sceu voire ment l'entreprise, mais qu'ils ne la deuoient reueler. A esté aussi trouué qu'ils communiquoient par lettres avec Balduin, Iesuite Anglois qui estoit à Bruxelles, lequel ayant esté pris depuis peu en passant par le Palatinat, nous ne doutons point que si on luy serre les doigts on n'apprene de luy d'estranges mysteres, & quelque intelligence avec François Rauail-lac qui auoit esté en Flandres peu auparauant sa maudite entreprise.

Que si vous passez en Pologne vous trouuerez que les Iesuites possedans le Roy absolument & le tenans en tutelle l'ont porté a des violéces qui ont fait souleuer le pays contre luy & l'ont mis en grand danger de perdre son Royaume. Leur humeur factieuse est cause que la Suede est perdue pour la couronne de Polongne, & pour l'Eglise Catholique. D'autant qu'ils ont induit le Roy de Pologne à entreprendre guerre contre le Duc Charles qui maintenant se qualifie Roy, pour luy faire receuoir par force les Iesuites.

La Transsiluanie n'en a point esté exēptes Nous auons des lettres du Barō de Zerotin datees du 1. de May dernier, où il d'escrit

commēt vn des Seigneurs du pays ayant en sa maison vn Iesuite, auoit esté induit par le-
dit Iesuite, à conspirer contre la vie du Prin-
ce de Transiluanie, lequel aduertty du iour
de l'entreprise, sortit expres ce iour-là hors
la ville, feignant d'aller à la chasse, & mit des
embusches hors la ville, dans lesquelles il
mena les entrepreneurs, qui le suiuiōt pour
executer leur entreprise: il leur en cousta la
vie, & fut ledit Iesuite executé avec carnage
general de ses complices.

La seule maison d'Autriche a ce priuilege
d'estre exempte des conspirations de ceste
société. La vie des Princes de ceste famille
est sacrée & inuiolable aux Iesuites: Car
ayans pour Parron de leur ordre, & pour
general de la société vn Espagnol, auquel ils
ont promis, avec serment, vne obediēce
aueugle: il ne faut pas craindre que de ce co-
sté-là ils soient incitez à entreprendre con-
tre les Rois d'Espagne, ou contre ceux de sa
maison.

Ce n'a donc point esté sans cause, que la
Republique de Venise, qui se gouuerne par
vne prudence admirable, les a chassés de Ve-
nise, & de tout son Estar: elle a recognu ces
gens estre animaux de sang, & flambeaux de
guerre, lesquels sōt beaucoup mieux dehors
que dedās le pays: Car aussi les troubles der-
niers aduenus aux Venitiens, ont cōmencé par
les Iesuites: Pource que le Senat ayant des-
couuert que les Iesuites, par subtils artifices
attrapoyent grande quantité de legs testa-

mentaires, & serendoient maistres de force terres, au preiudice de la Republique: fut aduisé au Conseil de faire defense aux gés d'Eglise, de plus receuoir par testament aucuns biens immeubles, sans la permission de la Republique: A quoy les autres Ecclesiastiques ayans acquiescé, les resuites qui s'y opposoient, & remuoient à Rome, ont esté bannis à perpetuité.

Pour ces mesmes considerations la ville d'Orleans ne les a voulu receuoir, encores qu'ils l'ayent fort désiré & poursuuy. Ils y auoient enuoie vn de leur Compagnie prescher le Carisme. Les habitans n'en furēt pas beaucoup satisfaits: Car au lieu d'estudier il s'amusoit à rechercher & entretenir ceux qui auoient encores en l'ame quelque vieil leuain de la Ligue, par l'entremise desquels ce resuite faisoit courir le bruit que le Roy vouloit qu'ils y fussent establis. De là ils parloient de chasser les Moines de S. Samson pour auoir leur Eglise, & de deloger Monsieur le Marechal de la Chastre gouverneur de la ville pour auoir sō logis faisans estat de le ioindre à ladite Eglise avec quelques autres maisons interiacentes. Et sur tous ces preparatifs ayans fait entendre au Roy que les habitans d'Orleans les desiroient fort, ils importunerent tant sa Majeste qu'elle leur accorda d'y auoir vne maison, à la charge toutesfois de le faire consentir aux habitans. Lesquels s'estans solennellement assemblez sur ce luyet, vn nomme Touruillie Aduocat

celebre de ladite ville, homme docte & iudicieux representa fort vertueusement les inconueniens qui pourroient arriuer à la ville s'il y estoient receus, & monstra par sortes raisons qu'en France, aimer son Roy & les Iesuites estoient choses incompatibles. Les principaux Officiers de la Iustice ayans lui ui ce premier son, & tous les habitans s'estans trouuez d'un mesme aduis, il fut arresté qu'ils ne seroient pas receus. Ceste ville a autre fois heu en la coupe de rebellio comme plusieurs autres, mais depuis sa reductiō en l'obeissance du Roy, elle lui a tousiours esté fort fidele, mesmes par les deportemens derniers en l'affliction commune comme elle a plus que nulle autre tesmoigné sa douleur: Aussi autant que nulle autre elle faict tous les iours paroistre par toutes sortes de bons effects la continuation de son obeissance.

*Que les Iesuites sont coupables
du parricide de nostre Roy
defunct Henry IV.*

CHAP. III.

Quiconques aura examiné soigneusement les tenans & aboutissans du crime de ce scelerat Rauillac, apperce-

ura aisémēt que les Iesuites y ont trempé, & que le mal ne vient point d'ailleurs, que de leur instruction.

il y a quelques cinq ans, qu'à S. Victor y auoit vne fille demoniaque, laquelle seruoit d'organe au Diable, pour dite plusieurs choses qui sembloient admirables: Le Pere Coton, meu de curiosité, ou fondé sur la familiarité qu'il a avec les esprits s'y transporta pour interroger cet esprit, sur plusieurs choses qu'il desiroit apprendre. Et pour aider à la memoire escriuit en vn billet les points qu'il auoit à demander: Entr'autres points, ceux ci en estoient: *Quelle yssue le meilleur de la conuersion de Monsieur de la Val. & des en-passage en treprises contre Geneue: & de la durée de l'heresie, l'escriure & de l'estat de Madamoyselle Acharie: & touchant pour le Pur-gatoire. Et la vie du Roy.* il y en auoit plusieurs semblables: mais aduint que le Pere Coton rendant à Monsieur Gillot Conseiller en la grand Chambre, vn liure qu'il lui auoit presté, y laissa par inaduertance son memoire, lequel estant ainsi tombé es mains dudit sieur Gillot, il le communiqua à quelques personnes, entr'autre à Monsieur le Duc de Sulli, & ainsi la chose a esté diuulguée. En vn autre temps, auquel il y eust eu encores quelque reste de vigueur: c'eust esté pour faire le procez au Iesuite, estant par toutes loix vn crime capital de s'enquetter du terme de la vie de son Prince: Et la raison en est rendue par Tertul-

Et quel est le meilleur passage en l'escriure pour le Pur-gatoire. Et du scandale de Madamoyselle de Clarenfac.

Paulus li. 5.
Sentent. cit.
21. § 9.

*Qui de salute
principis vel
summa Reip.
Mathemati-
cos, Arith-
meticos, A-
rithmeticos
conpulsi, et eo
que resp. de re
capite puni-
tur.*

Terrull.
apolog.

*Cui autem
opus est scri-
bare super Ca-
jam salute
nisi a quo ad-
uersus illam
aliquid cogi-
tatur, aut post
illa speratur
et instinatur?*

lian, en son Apologetique, à sçauoir, que celui-là à des pensees contre la vie du Prince, qui faict de telles inquisitions sur sa sante.

Deux ans depuis, aduint que Mōsieur de la Forze Lieutenant pour le Roi en Bearn, par les intelligēces qu'il a en Espagne à cause du voisinage, fut aduerti qu'un Espagnol de telle stature, & de tel poil, & de tel habit, parloit vn tel iour de Barcelone, pour venir en France, avec intention de faire mourir le Roi par poison, ou autrement. Cēt Espagnol donc vient à Paris, s'adresse au Pere Coton, qui le presente au Roy, en le louant fort. Peu apres arriuerent les lettres de Mōsieur de la Forze: apres la lecture desquelles le Roi enuoie querir le Pere Coton, & lui monstre les lettres de Monsieur de la Forze: & lui commande de lui amener derechef le mesme Espagnol. Le Pere Coton respond qu'il ne pouuoit croire celà, & que cēt aduis estoit faux: toutesfois qu'il yroit trouuer ledict Espagnol, & l'ameneroit à sa Majesté. Il va dōc, puis s'en reuient assez long-temps apres, disant ne l'auoir point trouué, & qu'il s'en estoit allé. Pour voir clair là dedans, il n'est pas besoin d'auoir gueres bonne veüe.

Il n'y a gueres plus d'un an que le Pere Coton escriuit à vn prouincial d'Espagne, diueres choses que le Roi lui auoit dites en secret & reuelé en confession, & qui tour-
noient

noyent à opprobre à sa Majesté. Ce qui estant descouvert fut cause de la disgrâce du Pere Coron, par l'espace de six semaines. Toutes-fois le feu Roy par vne clemence fatale à sa ruine luy pardōna & le reçut en grace. Mais il se peut souuenir q̄ depuis quelques iours Nostre Ieune Roy, lequel il importunoit, luy en fit reproche par vne responce telle qu'il meritoit, en ces termes, *Je ne vous diray rien: car vous l'escririez en Espagne, comme vous auez faict la confession de mon pere.* Je croy qu'alors il auoit oublié la reigle des Iesuites, qu'il ne faut, pour chose du monde, reueler vne confession.

Et pour approcher du faict de Rauillac, tout ainsi qu'après la mort de Henry III. on oyoit à Paris les Iesuites prescher seditieusement, & exhorter les Auditeurs à faire le mesme à son successeur: Entr'autres le Pere Commolet criant en ses sermons. *Il nous faut vn Ad. fust-il moine, fust-il soldat, il nous faut vn Ad.* Ainsi oyoit-on au Careême dernier, vn Iesuite nommé le Pere Hardy fils d'un Mercier, demeurant sur le Pont nostre Dame, preschant à Saint Seuerin, & disant, *Que les Roix amassoient des thresors pour se rendre redoutables, mais qu'on mettoit le pion & le Roy en mesme sac.* Il les comparoit aussi à des mulets, & à des crocheteurs, & adioustoit, *Ne leur donnons rien du nostre, que seront-ils plus qu'un autre homme?* Dont ie puis produire, outre plusieurs autres resmoings, Monsieur le Grand, & Monsieur de la Vau, Conseillers de

50
la Cour, qui y estoyent presents.

En mesme temps le pere Gontier preschoit si seditieusement & si iniurieusement contre le Roy, que feu Monsieur le Marechal d'Ornano autant zelé à la religion Catholique, qu'homme qui fust en France, enquis de sa Majesté ce qu'il iugeoit de ses sermons, luy respondit que si Gontier en auoit autant dit à Bourdeaux, il l'eust fait ietter dans la riuiere. Chacun d'eslors pronostiquoit quelque grād mal-heur, & le murmure en estoit si grād parmy les bons François, que m'estant trouué en bonne compagnie ou on en parloit, quelqu'un dit, qu'un fort homme d'honneur nommé Monsieur de la Grange Secrétaire de Monsieur le Prince de Condé soustiendroit au Pere Gontier, que luy estant durant ces guerres prisonnier à Perigueux ledit Gontier en presence du Pere Saphore Recteur du College soustint audit sieur de la Grange que ce seroit bien-faict de tuer le Roy.

Cela n'est pas tout: car pour allumer la meche par les deux bouts, les Iesuites par l'entremise d'un personnage nommé Guron (qui fait du deuot) vouloient prescrire aux Curez des parroisses de Paris, la forme de prescher en ce mesme Caresme, leur donnant par escrit plusieurs discours tédans à sedition. Mais plusieurs bons Curez s'en vindrent à Monsieur le Duc de Sully, le priants que par son moyen ils peussent parler au Roy, auquel ils firent leurs plaintes, disants qu'on leur vou-

loit prescrire de prescher choses contre son service. La clemence excessiue de ce grand Roy se contenta de faire au Pere Gontier quelques remonstrances, & mesme pour gagner son cœur le fit son predicateur & luy donna pension.

Comme deuant la foudre on oit vn grommellement dans les nuës, ainsi ces predications & menees sedicieuses estoient des auancoueurs de ce grand coup qui a frappé cest Estat en la personne d'vn si grād Roy, & dont nous lamentons la pette : mais la sentirons encores mieux à l'aduenir.

Adioustez à celà la confessiō de Rauaillac, lequel a soustenu au Pere d'Aubigny luy auoir dit en confession qu'il auoit enuie de faire vn grand coup, & luy auoir monstre vn cousteau ayant vn cœur graué dessus. Mais ledit Iesuite a protesté que Dieu luy auoit fait ceste grace que si tost qu'on luy a reuelé quelque chose en confession, il l'oublie incontinent. Le galand s'est sauué par là. Mais s'il eust esté en vn autre pays, on luy eust bien appris l'art de memoire.

Quiconques a sondé ce Rauaillac & l'a examiné de près a peu recognoistre que ledit parricide auoit esté soigneusement instruit en ceste matiere : Car en tout autre point de Theologie il estoit du tout ignorant : mais en la question s'il est loisible de tuer vn Tyran. Il sçauoit toutes les defaites & distinctions Iesuitiques comme peuuent tesmoigner mesieurs les Commissaires, le sieur Coëffeteau

Cela se trou-
uera en l'in-
terrogatoire
de Rauaillac,
qui est au
Gresse.

Docteur en Theologie, & autres qui ont examiné Rauaillac sur ceste matiere. Lequel paricide a dit plus d'une fois à ceux qui luy demandoiēt qu'il l'auoit meū à cest attentat, *Qu'ils auoyent peu apprendre par les sermons de leurs Predicateurs les causes pour lesquelles il estoit necessaire de tuer le Roy.* Voulant dire qu'il y auoit esté induit par les sermons suz mentionnez. Mais il estoit si bien instruit en ce suiet, qu'il estoit aisé à voir qu'outre les exhortations publiques, il auoit reçu de longues instructions particulieres.

Ce n'est pas aussi vne petite circonstance que le Pere Coton ayant obtenu permission de parler à Rauaillac en prison luy dit entre autres choses, *Gardez vous bien d'accuser les Innocens:* ayant peur qu'il n'accusast les Iesuites: mais les Cordeliers, Carmes, & autres bons Religieux qui n'auoyent point la conscience chargée n'auoyēt point peur qu'on les accusast.

Mais d'où vient qu'à Bruxelles, & à Prague, ou les Iesuites regnent. On parloit de la mort du roy, douze ou quinze iours deuant qu'elle arriuaſt? A Rouën plusieurs ont reçu lettres de Bruxelles de leurs amis demandants d'estre auertis si le bruit de la mort du roy estoit veritable, combien qu'elle ne fust encores aduenüe.

Monsieur l'Argentier de Troyes a reçu de Prague, lettres du pedagogue de ses enfans qui luy disent qu'un Iesuite les auoit desia auertis de la mort du roy auant qu'elle aduint, & leur auoit dit qu'après sa mort, Monsieur le

Dauphin ne seroit point Roy, mais le Roy d'Espagne, & ce pour les mesmes causes que le Pere Gontier preschoit à l'Aduent, & Carême derniers.

Je ne dois omettre la predication du Preuost de Pitiniers, qu'on a trouué estranglé en prison, lequel estant à Pitiniers, esloigné de deux iournées de Paris, iouant aux Quilles entre plusieurs amis, leur dit, *Aujourd'huy le Roy est ou tue, ou blezé.* Ce Preuost estoit Iesuite de faction, & leur auoit donné son fils, lequel est encores aujourd'huy Iesuite.

Plusieurs ont remarqué le despit & indignation generale d'un chacun, quand on vit les Iesuites au Louure le lendemain de ce funeste assignat, avec vne mine riante & assuree, comme tout allant bien pour eux: & estre presentéz à la Royné par Monsieur de la Varenne, leur bien-faicteur & restaurateur: & auoir bien la hardiesse en ceste tristesse publique & douleur si fraische, de demander le cœur du pauvre Roy defunct, lequel ils ont emporté comme vne espee de conquête, avec lequel ils deuoyent auoir aussi ensepuely la dent que leur disciple Iehan Chastel luy auoit pieçà rompuë.

Mais qui ne s'est esbahy quand il a veu tous les corps des Religieux assister aux funerailles du Roy, & participer au dueüil public, hors mis les Iesuites: lesquels seuls ayans receu plus de bien-faicts de ce bon Roy, que tous les autres Ecclesiastiques ensemble, ont esté seuls qui n'ont daigné accompagner son

Tacitus lib. 3.
 Annal. Tybe-
 rius atque Au-
 gusta publico
 abstinuere, in-
 ferius Maie-
 state sua rati si
 palam lamen-
 tarentur, an
 ne omnium
 oculis vultum
 eorum scru-
 tantibus, falsi
 intelligeren-
 tur.

corps au tombeau. Ce qu'ayant esté remar-
 qué par plusieurs spectateurs, les vns di-
 soyent qu'ils n'y estoient pas, comme dédai-
 gnans les autres Ecclesiastiques. Mais les plus
 iudicieux disoyent que ce n'estoyent pas à
 eux vne petite prudence, & que Tybere &
 Iulia ayans faict empoisonner Germanicus
 au deuil public qui en fut faict à Rome, ne
 voulurent point paroistre en public, de peur
 que le peuple ne descouurist que leur triste-
 se estoit feinte & simulée.

Depuis la mort du Roy, ils ont faict tout ce
 qu'ils ont peu pour empescher l'effect de sa
 volonté, & s'opposer aux choses qu'il auoit
 iugé estre pour le bien de son estat. Il auoit
 resolu d'enuoyer des troupes en Cleues,
 pour le secours des Princes Allemans. Desia
 Monsieur le Mareschal de la Chastre, Gene-
 ral de ces forces, se preparoit pour partir,
 quand voicy deux Iesuites, qui le viennent
 trouver, luy disent qu'il ne pouuoit faire ce
 voyage, n'y mener du secours aux heretiques
 en bonne conscience, & intimident sa con-
 science par menaces, comme si faisant cela il
 ne pouuoit estre sauué. Mondit sieur le Ma-
 reschal n'ayant pas trouué leur harengue
 bonne, ils vindrent puis apres chez luy chan-
 ger de langage pour le rappaiser.

*Examen de la Lettre Declaratoire du
Pere Coton.*

CHAP. IV.

EN premier lieu, ie dy que ceste lettre extorquée par la necessité, vient hors de saison, & après le mal aduenü: Car il falloit auoir escrit contre Mariana, lors que Mariana sortit en lumiere, & que le feu Roy pria le Pere Coton d'escire à l'encontre.

Ie dy aussi que nous ne sçauons pas si l'on parle à bon escient en ceste lettre, ou si selon la doctrine de son ordre, il vse d'equiuocation, & supprime la moitié de sa conleption: Ou s'il parle à bon escient, qui ne void que ses compagnons ne sont pas de son auis, puis que nul d'eux n'a souz-signé son liure, n'y approuué? Ce qui estoit necessaire en vne chose tant publique, & tant importante.

Aussi est-ce en vain qu'il allegue quantité d'Authours Iesuïtes qui cōdamnent le meurtre des Roys: Car tous les passages de Iesuïtes parlent des Roys, que le Pape & les Iesuïtes recognoissent pour Roys: Mais nous auons monstré cy dessus par grand nombre d'Authours Iesuïtes, & par leurs actions, que quād les Iesuïtes ont attenté à la vie d'un Roy, qu'ils se sauuent par là, en disant qu'ils ne tiennent point vn tel estre Roy encores qu'il

Ce sont les
mots de l'in-
terrogatoire.

22. quæst. 64.
disp. 5. 4. 9.

en porte le nom, pource qu'il est excommunié, ou pource qu'il est ennemy de l'Eglise: Et de fait ce miserable Rauaillac alleguoit cecy pour cause de son attentat, à sçauoir, que le Roy vouloit faire la guerre au Pape, & que le Pape estoit Dieu, & par consequent que le Roy vouloit faire la guerre à Dieu.

Pourrant le Reuerend Abbé du Bois à bien obserué en sa response à Pere Coton, que là où Gregoire de Valence Iesuite, dit qu'il n'est nullement permis d'attenter à la vie de son Prince, jacoit qu'il abuse de son autorité, qu'il adiouste, *Si cela ne se fait par vn iugement public*. Or tous les Iesuites tiennent que le iugement du General de leur ordre, est vn iugement public, & auquel ils doiuent acquiescer, comme à la voix de Christ, comme nous auons monstre. Nous tenons aussi le iugement du Pape, pour vn iugement public.

Aussi nous auons veu cy dessus que l'Apologie du Iesuite endemonio iohannes approuuée du General Aquauina, & de trois Docteurs Iesuites, dit que les Iesuites n'approuuants point le meurtre des Roys, toutesfois en aiment l'euenement, tellement qu'il ne sert de rien au Pere Coton, de condamner l'autheur du meurtre du Roy, si cependant il en aime l'euenement, c'est à dire, la mort du Roy.

Et de vray, c'est frauduleusement qu'il faict protestation d'approuuer le Decret du Concile de Constance, condamnant la proposition de Iean Petit, & déclarant que ce n'est

à vn subiect de tuer vn Tyran: Car les Iesuites ont leur eschappatoire presté, & qui est véritable, à sçauoir que le Concile de Constance parle des Tyrans qui sont Roys legitimes, & qu'il ne parle point des Roys deposez par iugement public, & dont les subiects ne sont point dispenséz & absouz par le Pape du serment de fidelité: n'y des Roys qui sont iugez ennemis de l'Eglise. Car si les Iesuites ont entrepris de tuer vn Roy, ils trouueront aisément quelque raison pour prouuer qu'il n'est pas Roy, & que par consequence ils ne font rien contre le Concile de Constance, ny contre les passages des Iesuites alleguez par le Pere Coton.

Ce que le Pere Coton adiousté que ç'a esté l'opinion de Mariana seulement, & non de tout l'ordre, a esté refuté au premier chapitre par l'approbation de bon nombre de Iesuites, escrete au front du liure de Mariana, & par les liures de plusieurs Iesuites, qui disent le mesme que Mariana, & mesme le loüent, & defendent: Ioint que le Iesuite Coton condamne Mariana si mollement, que ses reprehensions sont plustost flatteries.

Quant à ceste decision pretendüe qu'il nous veult faire accroire auoir esté faicte en vne assemblée prouinciale des Iesuites, par laquelle il dit qu'ils ont condamné Mariana; ie trouue que par cela il empire son marché, puis que les Iesuites ont tenu ceste decision cachée, & n'ont point voulu qu'on en sçeust rien. Auoyent-ils peur de rendre les

François trop affectionnez à la conseruation du Roy? ou craignoyent-ils d'offenser les Iesuites d'Espagne en publiant leur condamnation contre Mariana? Sans doute vous trouuerez ou que ceste decision n'a iamais esté faicte, ou si elle a esté faicte, que c'est quelque chose d'equiuoque, & ambigu.

Ce qu'on croira plus aisement, quand on aura regardé de près la confession des Iesuites, sur ceste matiere, laquelle le Pere Corron reduit à quinze chefs ou articles, qui ne sont qu'enueloppemens de paroles, & qui exposent la croyance des Iesuites, sur des poincts qu'on ne luy demande pas: Car voycy sur quoy on attendoit sa confession de foy.

I. Si quand le Superieur des Iesuites leur commandera d'entreprendre contre le Roy, ils luy doiuent obeir.

II. Si le Pape peut dispenser les subiects du serment de fidelité iurée à leur Roy.

III. Si vn Roy depose du Pape, & excommunié est encores Roy, & si les subiects luy doiuent encores obeissance es choses temporelles après l'excommunication.

IV. Si quand vn bon Catholique a decouvert à vn Iesuite en confession son intention de tuer le Roy, ledit Iesuite doit reueler ceste confession, ou bien la tenir cachée.

V. Si le Pape peult donner & oster les Royaumes, & les transferer, à qui il luy plaist. Notamment si les Iesuites approuuent le Canon, qui dict que le Pape peut oster la

couronne à vn Roy, encores qu'il n'ait point failly.

V I. Si les Rois sont Superieurs des Clercs, c'est à dire, si le Roy a puissance sur leurs biens & sur leurs vies, autant que sur celle des autres suiets.

V I I. S'il faut garder la foy iurée aux ennemis de l'Eglise.

V I I I. Si vn Iesuite accusé de trahison, & prisonnier pour ce crime, peut legitime-
ment vler d'equiuocations en respon-
dant.

I X. Si pour tuer ses ennemis, il est loisible de faire mourir ses amis.

X. Si la rebellion d'un Clerc contre le Roy, est vn crime de leze Majesté.

XI. Si on peut en haïssant le parricide d'un Roy, en aimer l'euénement.

XII. Si Garnet & Oldecorne sont Martyrs : & si Guignard a esté iustement condamné à mort.

Ce sont les points sur lesquels tous les bõs Catholiques desireroient que les Iesuites fussent catechisez, & qu'il pleust à la Royne Regente, & à Messieurs les Princes du sang, Officiers de la Couronne, & Seigneurs du Conseil, de commander au Pere Coton, & à ses compagnons, d'escrire clairement, & publier leur confession, à fin d'arracher au peuple ces nouvelles impressions qui affoiblissent l'autorité de nos Roys, & mettent leur vie en danger au lieu de nous bailler des arti-

elles qui ne touchent point au faict, & qui sont couchez en paroles obscures & douteuses, semblables à vn couteau de tripiere qui coupe des deux costez.

Tel est le premier article. *Tous les Iesuites (dit-il) en general & en particulier, signeront, voire de leur propre sang, qu'ils n'ont en ceste matiere, n'y en autre quelconque, autre foy, doctrine, & opinion, que celle de l'Eglise Romaine.* En cela il parle contre sa conscience; car si les particuliers des Iesuites sont d'accord en tout, il s'ensuit que Coton & Mariana sont d'accord ensemble, & que Coton a eu tort de le condamner. Quant à ce qu'il dit que tous les Iesuites signeront qu'en ceste matiere ils n'ont autre croyance que l'Eglise Vniuerselle, ie respons que les Iesuites signeront aysement tout ce que l'on voudra, puis qu'ils ont des *retentions* & conditions cachées qu'ils se reseruent en leur esprit, mais ie suis bien asseuré que l'Eglise vniuerselle ne soubsignera rien de ces sentences abominables des Iesuites que nous auons cy dessus produites de leurs liures, & approuuera encores moins leurs faits.

Son second article est *qu'entre toutes les sortes de gouuernement & administration publique la Monarchie est la meilleure.* A quel propos cela? Il n'est pas necessaire que ceux qui estiment la Monarchie estre meilleure que la Democratie, pour cela facent scrupule de tuer les Roys: ou que leur intention soit de vouloir changer la forme de l'Estat en

voulant tuer le Roy. Ains seulement, ils veulent vn autre Roy, pource que celuy qui vit leur deplaist.

Le troisieme article sent du tout la veine & les termes Iesuitiques, car ce ne sont qu'e-
quiuocations & retentions mentales, il dit,
Que tel est le gouuernement spirituel de l'Eglise qui se rapporte au Vicaire de Iesus-Christ, successeur de S. Pierre, tel le temporel de l'Estat & Royaume de France, qui se termine à la personne du Roy, nostre souuerain Seigneur & Maistre. Cela n'est rien dire au fonds & parler avec trop de dissimulation: Car il n'a osé dire que le Roy est aussi simplement absolu en son Royaume, que le Pape en l'Eglise: Car les Iesuites (seuls) tiennent que les Papes peuuent deposer les Rois; mais ils ne tiennent pas que les Rois peuuent deposer les Papes: Ils tiennent que les Papes peuuent dispenser les suiets d'obeir aux Rois: mais ils ne tiennent pas que les Rois puissent dispenser les Chrestiens d'obeir aux Papes: Ils tiennent que le Pape a pouuoir sur le temporel des Rois, par puissance, ou directe, comme disent quelques vns, ou indirecte, comme disent les autres: Mais ils ne croient pas que les Rois ayent puissance directe, ny indirecte sur le spirituel, ny sur le temporel des Papes: Ils tiennent qu'il y a plusieurs personnes en France, qui ne sont point iusticiables deuant les Iuges Royaux: mais ils ne tiennent pas qu'il y ait aucun homme sur les terres du S. Pere, qui ne soit iusticiable

deuant les officiers de sa Saincteté: Ils tiennent que le Pape peut leuer deniers, & prendre Annates sur les terres Ecclesiastiques du Royaume de France: Mais ils ne tiennent pas que les Roys de France puissent leuer aucuns deniers sur les personnes, ne sur les terres d'Italie, qui sont du patrimoine de Sainct Pierre.

Car il n'est pas croyable que le Pere Cotton veuille s'opposer au Cardinal Bellarmin Iesuite, duquel tous les Iesuites sont auourd'huy disciples, & apprentifs, lequel au 5. liure du Pontife Romain, chap. 6. parle ainsi, *Le Pape peut changer les Royaumes, les arracher à l'un & donner à l'autre comme souverain Prince spirituel, & quand cela est nécessaire pour le salut des ames*, duquel aussi nous auons cy dessus appris que les Roys ne sont point les Superieurs des Clercs. Luy

Quis dicere
audeat ius esse
profano in ea
quæ sancta
sanctorum id
est sanctissi-
ma dici me-
ruerunt.

Li. 1. de Rom.
Pontif. cap. 7.
§. Postre-
mo. Præterea
principatus
secularis insti-

mesme au 2. chap. du liure de l'exemption des Clercs, appelle tous les Roys & Princes en general, *hommes profanes*: Et en diuers endroits, il soustient, que *la puissance des Princes seculiers n'est qu'une institution humaine, & est seulement du droit des gens.* Quoy que l'Apostre Rom. 13. die, *Qu'il n'y a point de puissance, sinon de par Dieu, & que les puissances qui subsistent, sont ordonnées de Dieu.* Ce n'est donc point la creance des Iesuites d'estimer que les Roys soyent Roys, comme le Pape est chef de l'Eglise, puis qu'ils ne sont Roys que par institution humaine: mais le Pape est le chef de l'Eglise

vniverselle, par l'institution de Dieu. Bref Coton ne parle qu'à demie bouche & par ce qu'il dit, il est impossible d'apprendre ce qu'il croit. Il est ainsi des autres articles.

Le dernier article est vne recrimination contre ceux de la religion pretendue reformée, plusieurs liures desquels il dit estre infectez de ceste opinion, qu'il est loisible à vn subiect de tuer son Roy: Apres cela il adioust, *l'en marqueroy & specifieroy les passages, & alleguerois les paroles, n'estoit qu'il vault trop mieux qu'elles demeurent englouties dans l'abisme de l'oubly.* O qu'il donne icy sujet de triompher à nos aduerlaires, qui diront que si le Pere Coton eust sceu les passages il n'eust failly de les mettre en veue, & eust esté bon de nommer les liures, à fin de les supprimer, ou punir les auteurs s'ils viuent.

Or là dessus i'ay eu la curiosité de m'esclaircir, & m'estant enquis de quelques-uns de la religion contraire non ignorans, ils m'ont dit que voirement le Concile de Constance en la Session VIII. fait vn denombrement des heresies de Vviclef, & l'accuse entre autres choses d'auoir creu que, *Nul n'est Seigneur ou Souuerain és choses ciuiles pendant qu'il est en peché mortel.* Item, *Que le peuple peut selon sa Volonté corriger les Princes qui ont failly.* Et que Buchanan Historien & Poëte Escossois au liure de *Iure regni apud Scotos*, parle de mal mener les Roys, & les chasser quand ils sont Tyrans. Mais que le Concile de Constance calomnie Vviclef non

tutus est ab hominibus
est que de Iure
gentium. At
Principatus
Ecclesiasticus
esta solo Deo.
Il dit le mesme
au liure de Ex-
emptione
Cleric. cap. 1.
Par. ad con-
firmationem.

Articulo 15.
Nullus est
Dominus ci-
uilis dum est
in peccato
mortali & Ar-
tic. 17. Popula-
res possunt ad
arbitrium
suum domi-
nos delin-
quentes cor-
rigere.

seulemēt en ce point : mais aussi en plusieurs autres. Que cela ne se trouuera point en les escrits. Et qu'il n'estoit point present pour se defendre. Qu'avec pareille calomnie le mesme Concile l'accuse d'auoir dit que *Dieu doit obeir au Diable*. Que Buchanan n'estoit point Theologien & qu'il a escrit ce qui se faisoit en Elcosse, auant le changement de religion. Qu'en cela il n'a point baillé de reigles : mais a depeint l'humeur & coustume de la nation. Qu'entre leurs Docteurs il se trouuera bien quelques paroles de liberte contre les Rois qui persecutent leurs Eglises iusques à dire que non obstant leurs malices, ils ne laisseront d'auancer l'œuvre de dieu, & choses semblables. Mais qu'on n'y trouuera vn seul mot de conseil de tuer les Rois, ny vn seul precepte de rebellion. Que Luther a escrit voirement contre le Roy Henry VIII. d'Angleterre avec du mespris excessif & indiscretion en paroles : mais que Luther n'estoit point son sujet, & qu'il ne parle point de tuer les Rois, ny de se rebeller contre son souuerain, & pourtant que ces exemples ne sont à propos.

Ce que ie dis, non que ie m'arreste à ces defences, que ie laisse pour telles qu'elles sont, mais pour inciter le Pere Coton, à parler plus clairement là dessus, de peur que nos aduersaires ne dient qu'on les accuse sans preuue, & sans monstrier de quoy.

Ce qui reste de la Lettre Declaratoire du Pere Coton, n'est qu'une peroration declamatoire,

clamatoire, où il parle d'Otaoustes, Pro-
sagogides, & quadruplateurs, mots qui nous
eussent arresté, s'il les eust mis à l'entrée; car
ce sont mots trop difficiles pour nous, qui
n'entendons que le Latin d'Accurse, & qui
nous estudions à estre aussi bon François que
les Iesuites sont bons Espagnols.

*S'il est vtile pour le bien de l'estat,
que le Pere Coton soit pres de
la personne du Roy, ou de la
Royne Regente, & si les Iesuites
doivent estre soufferts.*

CHAPITRE V.

SI tout le monde s'est esbahy de voir apres
le coup de cousteau de lean Chastel, apres
la condamnation des Iesuites par Arrest de
la Cour, apres la Pyramide dressée pour me-
moire, neantmoins peu apres ces Peres estre
restablis, & posseder le cœur du Roy duquel
ils auoient entamé la bouche; Aussi est-ce
chose autant admirable, de voir aujourd'huy
apres sa mort si horrible, ceux qui ont intro-
duit la doctrine des parricides, & qu'on sçait
auoir esté de l'entreprise, subsister encores,
& estre proche de la personne du Roy.

Je veux croire que la personne du Pere

Coton soit exempt de ce crime : & que le Pere Gontier & Aubigny ne luy en ayent point communiqué, & qu'il n'ait eu nulle intelligence avec les Iesuites de Bruxelles; Si est-ce que ces mœurs & sa profession sont telles, qu'il n'est nullement expedient n'y honneste de l'approcher de la personne de sa Majesté.

Premierement, ie dy que Coton qui se dict Religieux mesme d'une compagnie qui pren le nom de Iesus, est en scandale à toute l'Eglise, estant tousiours à la suite de la Cour; Car cela est contraire, non seulement à l'institution de tous les Moines, mais particulièrement aux Reigles des Iesuites, comme proreste le Pere Richeome en sa plainte Apologetique : & le Cardinal Tolet Iesuite, en son liure de l'Institution des Prestres, liur. 1. chap. 40. tient generallyment qu'un Religieux qui se retire és Cours des Princes, est excommunié, encorés qu'il en ait permission de son Superieur.

En apres, pour imprimer la vertu dedans le cœur d'un Prince, il faut mettre pres de sa personne, des hommes ennemis des vices, & qui ne le flattent point en ses imperfections: C'a esté une des fautes du Pere Coton, de conuiuer aux plaisirs du feu Roy au lieu de l'en destourner. Et il estoit tel que si un homme ennemy du vice eust tenu la place du Pere Coton, il eust esté aisé de le retenir. C'est la plainte que nous en faisoit dernièrement le Pere Portugais au sermon funebre

qu'il fit à S. Jacques de la Boucherie & qu'il a depuis fait imprimer.

Encores n'est-ce pas tout. Car au lieu de l'en destourner il l'y incitoit disant voire en plein sermon que sa Majesté recompensoit ses pechez par beaucoup de merites. Que Dauid a commis des debauches : toutefois qu'il estoit l'homme selon le cœur de Dieu.

Il faisoit bien pis : car il estoit messager d'amour, & portoit aux Dames des paroles d'amitié. Vn grand Prince de ce Royaume, & qui a present est en Cour, pourra certifier, que s'esbahissant de ce que le Pere Coton s'emploioit a amener au Roy vne certaine Damoiselle, ledit Iesuite luy respondit, que c'estoit voirement vn peché : mais qu'il falloit plustost auoir esgard a la santé du Roy, duquel la vie estoit tant necessaire à l'Eglise, & que ce mal seroit recompensé par vn plus grand bien.

Quand a sa vie on y reconnoist vne hypocrisie iasigne. Il s'est vanté en presence de plusieurs Seigneurs de la Cour qui viuent encores, de n'auoir fait aucun peché mortel depuis vingt-deux ans, & cependant l'Abbé du Bois luy a soustenu & soustiendra qu'il y a moins que cela que sentence a esté donnee contre luy a Auignon pour auoir engrosfé vne Nonain. Monsieur des Bordes Sieur de Grigny, homme auquel rien ne defaut sinon que d'estre Catholique, a encores par deuers soy des lettres du Pere Coton a Mademoiselle de Clarac de Nilme. escrites de sa

propre main, par lesquelles apres forces protestations d'aminé il luy dit qu'il espere la voir bien tost pour luy payer le principal & les *q c'est à dire les arerages* J appores de son absence. Et que l'affection qu'il luy porte est telle qu'il ne se promet point d'auoir en paradis. Vne ioye accomplie, s'il ne la trouue la. Ceste Damoiselle estoit aussi couchee entre les questions que ce Iesuite faisoit au diable.

Qui est-ce qui n'admire en cet homme vne impudence incroyable qui se fourre par tout, qui ne se rebute point pour cent refus, qui fingere à tout faire, qui se rend compagnon des Princes, qui en ses meditations qu'il publie, semble vouloir cageoler Dieu & l'endormir de paroles qui sentét la putain? Quel creuecœur estoit ce de voir vn cherif Iesuite assieger l'esprit du Roy, & estre par maniere de dire pendu à sa ceinture, pendant que des Princes & Seigneurs qui luy ont fait de grands seruices, auoient beaucoup de peine d'en approcher? Ie ne puis conceuoir la cause pour laquelle les autres Ecclesiastiques, qui depuis plusieurs siecles, sont les colonnes de l'Eglise des Gaules, qui n'ont iamais mis la main sur leurs Rois, & qui ne les ont point abandonné en leurs afflictions, notamment durant les dernieres troubles, n'auront la mesme faueur que ces nouveaux venus, qui ne sont point suiets aux Euesques, mais dependent immediatement de leur General Espagnol, & du Consistoire: & qui ont esté desia chassez pour crime de parricide? Les

autres ordres de Religieux n'ont-ils pas mieux merité d'estre Confesseurs du Roy, ou Predicateurs de la Royne, desquels ces gens icy escriront les confessions à quelque Prouincial de Castille, ou à leur General à Rome?

Que si en sept ou huit ans, depuis leur r'appel, ils ont si bien faict qu'ils ont en diuers endroits de la France acquis pour plus de cent mille escus de rente, & basty en plusieurs endroits, signamment à la Flesche vne maison qui reuiert à plus de deux cents mille escus, que feront ils s'ils sont encores en France vne vingtaine d'annees? C'est vn chancre qui gaigne tousiours. Ils ne peuuent estre en vn lieu sans y regner. Desia ils bastissent vn nouuiat aux fauxbourgs S. Germain dans l'enclos duquel on pourroit enfermer vne ville ou le Recteur del'Vniuersité n'aura que voir, où ils attireront toute la ieunesse, pour ce qu'ils sont plus subtils que les autres à s'insinuer és familles, à entretenir les femmes deuotes, à caresser leurs enfans, à ne prendre ny lundy ny chandelles des escholiers, cependant qu'ils engloutissent les terres & successions entieres. Dont aduiendra que l'Vniuersité de Paris ne sera plus qu'une ombre & ne peut eiter vne ruyne alleuree. D'icy à dix ans le conseil Priué & les Cours de Parlement, & le grand Conseil seront remplis de disciples de Iesuites, & le reste du Clergé ne sera plus rien estimé: car ils ont dessein de le rauler, & en parlent avec mespris comme

s'ils estoient ignorants. Cependant i'ay ouy dire à plusieurs gens doctes, & particulièrement à Monsieur le Cardinal du Perron, que ce sont gens ignorans, & qui ruineront les lettres. Pour la restauration desquelles mondit Sieur le Cardinal s'est proposé d'eriger vn nouveau college en l'Vniuersité, où il releuera les lettres decheuës, depuis que ces gens les ont souillées, les ayant reduites à vne chetive pedanterie & des petits recueils qu'eux-mesmes ont ramassé.

Cela seroit peu de chose, n'estoit qu'en faisant des sçauans & des entendus, ils empiètent sur l'Estat, & taschent de mettre les Rois en tutele, & esmeuent les peuples à sedition, lesquels s'ils eussent trouué aussi prompts à s'esmouuoir qu'ils sont ardens à les solliciter, desjà la France ruisseroit de sang, & la mort du Roy eust esté suiue de massacres, tant d'une que d'autre religion: Car c'estoit leur esperance en ce malheureux parricide, de laquelle s'il sont descheus pour ce coup, ils trouueront bien le moyen de renoüer la partie.

Cependant mes Seigneurs du Conseil, & Messieurs de la Cour de Parlement iugeront s'ils peuvent en bonne conscience permettre les confessions à des personnes qui ont serment de ne rien reueler de ce qui sera necessaire pour la conseruation du Roy, & s'il ne doiuent estre contraincts de se departir d'une si damnable doctrine, qui les rend coupables de trahison. Que sert de brusler

vn liure par le bourreau, pendant qu'on souffre les personnes: & en vouloir à du papier pendant qu'on n'ose pas seulement nommer les Iesuites, de pœur de les offenser? Qu'ils regardent aussi s'ils veulent voir la ruine de l'Vniuersité de Paris, qui depuis Charles Magne a tousiours esté vn des ornemens de ce Royaume; où s'ils veulent en souffrant l'accroissement de ces gens, & leur establissement en Cour, tenir tousiours en défiance les Catholiques fideles au Roy, & en apprehension de voir encores vn troisieme parricide? Qu'on leurs defende de se mesler d'affaires d'Estat, qu'ils preschent l'Euangile, & les commandemens de l'Eglise: Que les peres & meres soient obligez d'enuoyer leurs enfans aux Colleges de l'Vniuersité, & qu'il n'y ait point deux Vniuersitez separées: Qu'on sçache ce que font les Iesuites de tant de richesses, veu qu'on sçait qu'ils sont peu en nombre, qu'ils ne dependent, ny en habirs, ny en cheuaux, ny en seruiteurs. A quoy donc tant de reuenus, sinon pour voyages & commissions en pays estrange, & pour faire vn magazin qui serue à gager les ennemis de cest Estat, & fournir aux frais de quelque rebellion, comme ils ont faict en la Ligue derniere? Car ie trouue que ce Polonois auoit raison, qui disoit que la societé des Iesuites est vne espee à qui la France sert de Fourreau, mais la poignée est en Espagne où à Rome, ou est le General des Iesuites; car le commandement de tirer ce-

ste espée vient de là.

C'est ce que nous auons à dire sur ceste matière: à quoy ie voudrois bien que quelqu'un respondist de point en point, ou plustost que nous voulussions ouurir les yeux à ces considerations, qui sont totalement claires & necessaires: Que si en ce faisant nous acquerons plus de hayne que nous ne faisons de profit; si aurons nous ceste consolation de n'auoir point manqué à nostre deuoir, en proposant les choses necessaires pour le bien de l'Estat, & pour la paix & seureté de l'Eglise.

QVATRAIN.

A LA ROYNE.

*Si vous voulez que vostre Estat soit ferme
Chassez bien loin ces Tygres inhumains
Qui de leur Roy accourcissans le terme
Se sont paieez de son cœur par leurs mains.*

FIN